

डेरेक प्रिन्स

पाप ख्लासी परमेश्वरपट्टि दोःबान
विश्वासधोना

पाप ख्लासी परमेश्वरपट्टि दोःबान
विश्वासधोना

भ्रिखेन:- डेरेक प्रिन्स

डेरक प्रिन्ससे भ्रिबा किताबगदे

यरुशलेमरी धम्बा

मोलम किन्बा की के:बा किन्बा: हाडसेन धम्बम्ला

येशूला कासे ग्लुबा

परमेश्वरला बचन पाड्बा: ३६५ धिनना संगति

इस्राएलदेन मण्डलीला भाग्य

तिग हाडला ले खस्तो:बा मुला ?

जिन्दगीला ग्याम थुम्बा

परमेश्वरला डामरी निबा

औदिन माया

विश्वासग्याम सोबा

फोइथान चिसी प्रार्थना लबा

खीष्टियनला लागिरी तो:बा मुल सत्य ताम

परमेश्वरला आत्माला उपहारगदे

परमेश्वर जोडी स्होबा परमेश्वर हिन्ना

परमेश्वरला मनना ताड

हाडला टाडगाला लागिरी परमेश्वरसे स्होबा गेताड

जम्मासेन हेला लबागदेदा परमेश्वरसे उन्वा ग्याम

हाडला लागिरी परमेश्वरला सेम

दयामाया

परमेश्वरला आत्मा हाडदेन छ्याम

फोइथान चिसी लबा प्रार्थना खाह्ण्ड् लसी ज्यना

लसी लबा

हेम्बोगदेदेन आबागदे

निसाफ लबा : खाइमा ? तिग्दा ? खाह्रड् लसी ?

लुसिफरला भन्डाफोर

ब्याहला कबुल

टुहुरा टुहुरी, ह्वेम्बो सिबा मिडम्हेमे, प्राडबोदेन

म्हिसे नाइसी थान्वागदे

य्हाडसे इस्राएलदा फातो:बा छे

कबुल लबा य्हुल्सा

परमेश्वरग्याम याइबा ज्यबा ताम

परमेश्वरला मण्डलीदा दो:सी स्होबा

चाडछार ह्विबाला ठिम

ह्वाडसेन बाइबल पढब लबा किताब

प्रार्थनादेन फोइथान चिसी लबा प्रार्थनाग्याम

काइरन स्होबा

आत्माला लडाई

थेनीगदेसे म्हडम्हुडगदेदा ते:ला

व्हाइला किताबग्याम

स्वर्गरी लडाई

ह्वाडसे शक्ति याइला

DEREK PRINCE MINISTRIES

P.O. BOX 19501 . CHARLOTTE, NC 28219

WWW.DEREKPRINCE.ORG

पाप ख्लासी परमेश्वरपट्टि दोःबान
विश्वासधोना

भ्रिखेन:- डेरेक प्रिन्स
डेरेक प्रिन्ससे लबा परमेश्वरला गे
चारलोट, भयाड्पट्टिला क्यारोलिना

THROUGH REPENTANCE TO FAITH

© 2009 Derek Prince Ministries- International

All rights reserved.

ISBN 978-1-892283-48-1

Scripture quotations are from the New King James Version of the Bible, © 1982 Thomas Nelson Publishers, Nashville, TN.

This book was compiled from the extensive archive of Derek Prince's unpublished materials and edited by the Derek Prince Ministries editorial team.

No part of this book may be reproduced or transmitted in any form or by any means, electronic or mechanical, including photocopying, recording, or by means of any information storage and retrieval system, without permission in writing from the publisher.

Printed in the United States of America.

DEREK

PRINCE DEREK PRINCE MINISTRIES

MINISTRIES WWW.DEREKPRINCE.ORG

पाप ख्लासी परमेश्वरपट्टि दोःबान विश्वासधोना

जम्मान भन्दा डाच्छा खीष्टियन विश्वासला जग थान्वाला लागिरी ल्हानान म्हिगदेदा य्हाडदेन छ्याम विश्वास तोःला भिवा ताम था मुला । तर विश्वास खाह्ण्ड लसी याड्से ? विश्वासला जग थान्वाला लागिरी मुल युडबाला बारेरी परमेश्वर ला वचनरी तिग तामगदे भिवा मुला ?

डाच्छा य्हाडसे चु ताम च्यातोःला की पाप ख्लासी परमेश्वरपट्टि दोःबा ताम बाहेक विश्वासरी दोबा स्थान्दो खजिवै ग्याम आरे । स्थान्दो खजिवै ग्यामसे ह्हाडदा थेरी दोना लला भिसी पाड्जी भिसम थे चा धोका पिन्वा ताम जे हिन्ना । सत्य विश्वास चा पाप ख्लासी परमेश्वर पट्टि आदोःदेधोना अर्गु तिगै तआखम ।

विश्वासला जग

चु जजाबा कितावग्याम य्हाडसे थार्बा पिन्वा समाचारला जम्मान भन्दा मुल सत्य तामदा हिब्रु ६:१-२ री खाह्ण्ड लसी उन्वा मुला भिसी च्यावान मुला । चु ताम चा थेरी लोप्पा सोमरेमला पाल्ला ताम हिन्ना । चु सोमरेमला पाल्ला तामदा शुरु लबाला लागिरी य्हाड लिच्छा दोगे ओच्छे चु ग्लाधोना दोखमा य्हाडसे तिग तिग ताम पढव लवान खजी थे ताम सरसर्ती च्यागे ।

जम्मान भन्दा डाच्छा, येशू खीष्ट चा य्हाड

ह्वाड ह्वाडला खीष्टियन विश्वासला जग हिन्ना ।
 पक्का खीष्टियन दोबा सेम लबा जम्मासेन ह्वाड
 ह्वाडला ल्हुइ थे जगथोरी स्होबान नितोःमुला । चु
 ताम य्हाडसे मत्ती १६ अध्यायरी पत्रुसदेन येशूला
 गुडरी तबा छलफलग्याम म्माड्बा मुला । येशूसे
 चुह्ण्ड् भिसी ड्योइजी, “एनीगदेसे डा खाल भिसी
 म्हन्मुला ?” येशूसे ड्योइबा तामला जोहाव
 पिन्वान पत्रुससे चुह्ण्ड् भिसी पाड्जी, “ह्वाड थार्बा
 पिन्वा खीष्ट (मसीह) छोन्वो परमेश्वरला भा
 हिन्ना ।” (मत्ती १६:१६ पद) चु छलफलग्याम
 चा य्हाड जम्मासेन तिग तिग लतोःबा ओच्छे,
 खाह्ण्ड् लसी भ्रतोःला भिबा ताम उन्वा मुला । थे
 छलफलरी गोर ब्लि ताम मुला ।

गिक चा खबा दुखगदेदा भ्याड्बा ।
 पत्रुसदेन येशू ह्पुप तजी, थे न्हीला गुडरी ठिकना
 लबा खालै म्हि, परमेश्वरला मन्दिररी पुजा लबा
 खालै म्हि अथवा स्थान्दो खजिवै म्हि आरेबा ।

अर्गु ताम चा परमेश्वरला आत्मासे
 जुकजुकधोनाला प्रभु येशू हिन्ना भिसी उन्वा मुला,
 थे ताम चा येशू सिकर्मीला भा भिसी पाड्बा
 आहिन, तर येशू छोन्वो परमेश्वरला भा हिन्ना
 भिसी पाड्बा हिन्ना ।

अर्गु ताम चा, परमेश्वरला आत्मासे
 उन्वा थे ताम पत्रुससे सेमरी किन्जी ओच्छे हिन्ना
 भिसी सेमहेन्सेन विश्वास लजी । थे तामदा थेसे
 आख्लानी वरु ह्वाडला सेमरीन थान्जी ।

अर्गु ताम चा पत्रुससे सेमहेन्सेन विश्वास

लबा ताम जम्मान म्हिगदेला ओन्छाडरी पाड्सी
 पिन्जी । खबा दुखगदेदा भ्याड्बा, उन्बा, ठिक्का
 ओच्छे, सेमहेन्सेन हिन्ना भिसी पाड्बा, चु गोर
 ब्लि तामगदे चा जम्मान पक्का खीष्टियनगदेदेन
 छ्याम ततो:बा ताम हिन्ना ।

जगथोरी स्होबा

य्हाडसे अर्गु गोर गिक आरेनान आतबा
 मुल तामला बारेरी च्यागे । य्हाडसे तिरेम चु
 जग थान्सी जिन्माहेन्से थे जगथोरी खाहड् लसी
 स्होबान निबा ? थेला बारेरी येशूसे बुद्धि मुबा
 म्हिदेन मुख् म्हिला बारेरी उखान गिक सुड्बा
 मुला, य्हाडसे म्माड्बा थे जगथोरी स्होबा दिम चा
 जम्मान भन्दा डाच्छा, बाइबलदा परमेश्वरसे भिबा
 वचन हिन्ना भिसी म्हान्बा, येशूदा चा परमेश्वरला
 छोन्बो वचन भिसी डोसेबा, ओच्छे, येशूसे सुड्बा
 अन्छार ड्यान्सी भ्रवादेन लसी भ्रवा हिन्ना । थे
 जगथोरी दिम स्होबारी चा येशूसे सुड्बा अन्छार
 लसी भ्रनोन तो:ला ।

चुग्याम य्हाडसे परमेश्वरला वचनना
 अधिकारदेन परमेश्वरला वचनना शक्तिला
 बारेरी च्याजी । डाइ उन्बा थे अधिकार भिबा
 छिक चा अंग्रेजीरी भिबा म्हि भिबा छिकग्याम
 खबा हिन्ना । खजिबै किताब चा भिबा म्हिला
 अधिकाररी तमुला । बाइबलएनोन बाइबल भिबा
 म्हिला अधिकाररी तमुला । थे परमेश्वरला आत्मा
 अथवा परमेश्वर हाडलान हिन्ना । बाइबलरी
 परमेश्वरला अधिकार मुला ।

परमेश्वरला बचनना गोर न्ही रुप मुला भिसी डाइ उन्वा मुला: गोर गिक चा भ्रिवा वचन बाइबल ओच्छे अर्गु चा येशू ल्हुइरी फेप्खवा ह्वाडलान वचन हिन्ना । बाइबलदेन छ्याम य्हाड ह्वाड ह्वाडला सम्बन्धरी गे लबा परमेश्वरला बचनना जम्मान रुपगदेदा य्हाडसे खाह्ण्ड लसी किन्वा मुला । य्हाडसे परमेश्वरला वचनदा ते परमेश्वरदा माया आलमुला । य्हाडसे परमेश्वरला वचनसे कुल्वा ताम ड्यान्वा ते परमेश्वरसे कुल्वा ताम आड्यान्मुला । चुदे य्हाडसे य्हाडला ल्हुइरी परमेश्वरला लागिरी गादे ग्ला मुला भिसी थाहा याड्वारी म्हाइबा हिन्सम, य्हाडसे य्हाडला ल्हुइरी बचनना लागिरी गादे ग्ला मुला भिसी थाहा याड्तो:ला । तिग्दा भिसम भ्रिवा बचन बाइबलदेन येशू गिकनोन हिन्ना । बाइबल चा भ्रिवा वचन हिन्ना; येशू चा ह्वाडनोन वचन हिन्ना । भ्रिवा वचनग्यामसेन य्हाडला ल्हुइरी बचन येशू फेप्खवा मुला ।

ठिम अन्ध्रारला जग

येशू खीष्टनोन य्हाड ह्वाड ह्वाडला जग हिन्ना भ्रिवा ताम य्हाडसे च्यासी जिन्वा मुला । तर छार कबुलसेनोन ठिम अन्ध्रारला जगएनोन मुला भिसी उन्वा मुला । चु तामदा येशूदा विश्वास लबा लाखौँ म्हिगदेसे वास्ता लबा आरे । तर हिब्रुगदेदा भ्रिवा कितावरी प्रष्टन पाड्वा मुला, थेरी चुह्ण्ड भिसी पाड्वा मुला,

थेहड् भिसम य्हाड खीष्टला
 बारेरी डाच्छा लोप्वा तामगदे जे आतना
 अझ घेन घेन तामगदे लोप्वान पाको
 म्हि दोगो अथवा नाश तना लबा गेगदे
 ख्लासी परमेश्वरपट्टि दोबा तामदेन
 परमेश्वरदा विश्वास लबा ताम य्हाडदा
 घरिघरि लोप्आतोः। ओच्छे बप्तिस्माला बारेरी
 लोप्वा तामगदे, स्थान्दोथोरी या थान्सी
 प्रार्थना लबा तामगदे, सिबागदे दोःसी
 सोला भिबा तामगदेदेन जुकजुकधोनाला
 सजाय याड्ला भिबा तामगदेला
 बारेरीनोन एनीगदेदा दाहेन्से लोप्आतोः। चुदे
 परमेश्वरसे सेम लजी भिसम य्हाडसे घेन
 घेन तामएनोन लला । हिब्रु ६:१-३

चुरी ताम न्हीदा उन्वा मुला, जुन तामदा य्हाडसे
 ग्ला गिकरीन थान्तोःमुला । जम्मान भन्दा डाच्छा
 य्हाडसे जग थान्वा चा ल्हानान घेन ताम हिन्ना । चुदे
 य्हाडसे जग आथान्नी भिसम खाड्मै दिम स्होबारी
 आखम । य्हाडसे तिरेम जग थान्सी जिन्माहेन्से,
 दोःसी जग थान्आतोः । बरु य्हाडसे थे जगथोरी
 गाहो लवान दिम स्होसी जिन्ना लबारी खम्ला ।
 ग्ला गिकरीन थान्वा थे गोर न्ही ताम चा चुनोन
 हिन्ना । हिब्रु ६:१ से “जग” भिसी पाड्बा मुला ।
 चु ठिम अन्ध्रार खीष्टियनगदेला विश्वासला जग
 हिन्ना, थेरी गोर हु ठिमगदे मुलाः

१. सिना लबा गेगदे ख्लासी परमेश्वरपट्टि दोबा ।
२. परमेश्वरथोरी लबा विश्वास ।

३. थरीथरीला वप्तिस्मागदेला ठिम

४. या थान्सी प्रार्थना लबा

५. सिबाग्याम दोःसी सोबा

६. खाइमै आजिन्वा सजाय

चुदे य्हाडसे चु तामगदेदा ज्यना लसी च्याजी भिसम चु तामगदेसे य्हाडदा खीष्टियन विश्वासला शूरुहेन्से लिच्छा पूरा तबा तामधोना दोःना लला । चु खीष्टियन विश्वास चु जुनीरी अथवा चु जम्बुलिडरी आजिन भिसी म्नाड्म्याड्बा चा य्हाडला लागिरी मुल ताम हिन्ना । चु विश्वाससे य्हाडदा चु जम्बुलिडदेन धुइ भन्दा थारेड जुकजुकधोनाला जुनीरी दोःना लमुला ।

दान्दे ल्हानान खीष्टियनगदेसे मुस्किलसे जुकजुकधोनाला जुनीला वारेरी म्हड म्नाड्मुला । ओच्छे थेनीगदेसे दान्देन जम्मान ताम तला भिबा ह्ण्ड लसी खेन्सी गे लमुला । पाड्नोन तोःमा, पावलसे चुह्ण्ड भिसी पाड्मुला, चुदे चु जुनीला लागिरी जे य्हाडसे खीष्टदा विश्वास लबा हिन्सम य्हाड जम्मान म्हिगदे दुख याड्बादेन ल्हानान दया याड्तोःवा म्हि हिन्ना (१ कोरिन्थी १५:१९ च्यागो) । चुदे य्हाडदेन छ्याम चु धुइग्याम क्यार जुकजुकधोनाला जुनी न्हाडरी दोःना लबा म्हड आरेसम, य्हाड चा ल्हानान दया याड्तोःवा म्हि दोःला ओच्छे य्हाड ल्हानान सेम सिबा तामग्याम दुख याड्बा म्हि तला । चु धुइ चा खीष्टियन विश्वास पूरा तबा धुइ आहिन । तर जुकजुकधोनाला धुइरी चा पूरा तला ।

दाहेन्से य्हाड चु गोर हु ठिमगदे शुरुला धिन
अथवा पाप ख्लासी परमेश्वरपट्टि दोबा धिनहेन्से
सिबाग्याम दोःसी सोबा, ओच्छे निसाफ लबा
ग्लाधोना दोःना लमुला ।

चुदे परमेश्वरसे तला भिसी सुड्सम

जम्मान भन्दा डाच्छा ठिम अन्ध्रारला जगदेन सिना
लबा गेगदे ख्लासी परमेश्वरपट्टि दोबा तामदा
च्याबा भन्दा डाच्छा डाइ हिब्रु ६:३ री पाड्वा ताम
पाड्गे ।

चुदे परमेश्वरसे तला भिसी सुड्जी भिसम य्हाडसे
थेह्दन्ोन लखम्ला ।

चुदे परमेश्वरसे लपुड्जी भिसम य्हाडदा
जम्मान स्हेसे छ्योबादेन पुरा लवान डाच्छा
भ्रला । य्हाडसे चुह्द भिसी ड्योइखम्ला,
“परमेश्वरसे तिग्दा आत भिसी सुड्ला ?
परमेश्वरसे पक्कन य्हाड जम्मान डाच्छा
भ्रखम्मौ भिसी म्हन्वा मुला ।

य्हाड जम्मासेन था याड्वा जजाबा
ताम उन्सी चु तामग्याम थोन्वा खजिवै तामला
जोहाव पिन्खम्ला । दान्देला बिकाश तसी
निबा जम्बुलिडला खजिवै घेन शहररी दिम
स्होबा हिन्सम डाच्छा ह्वाडसे योजना स्होतोःला ।
ओच्छे ह्वाडसे थे शहरला हाकिमदा ड्योइतोःला ।
ओच्छे थेनीगदेसे थे योजना ठीक मुला भिसी पाड्
तोःला । जमाहेन्से दिम स्होबान निमाहेन्से थेनीगदे

थे दिम खाह्ण्ड लसी स्होजीम भिसी धुइ धुइरी
 च्याबारी खला । तर दिम स्होमा जम्मान भन्दा
 डाच्छा थेनीगदेसे च्यावा ताम चा जग हिन्ना ।
 चुदे जग ज्यना लसी आथान्नी भिसम थे दिम
 बलियो आत । चुदे जग बलियो आस्होनी भिसम
 थेनीगदेसे थे दिम स्होवारी आपिन ।

परमेश्वरसेनोन य्हाडदेन छ्याम थेह्ण्ड
 लसी व्यवहार लबा मुला । परमेश्वरसे चुह्ण्ड
 भिसी सुड्बा मुला, “एला जग खाह्ण्डबा मुला डाइ
 च्यातोःला । चुदे एला जग डाइ पाड्बा अन्ध्रार
 थान्वा आरेसम डाइ एदा थे स्होवारी आपिन” ।

ख्रीष्टियन विश्वासला चु शूरुला तामगदे सदनना
 लागिरी चिखम्ला, ठीक तरिकासे जग आथान्नी
 भिसम खाइमम आकोड्बा, खाइमम जम्मान स्हेसे
 आछ्योबादेन पुरा लवारी आखम्बा तमुला, हिन्वम
 चु तामगदे आरेनान आतबा तामगदे हिन्ना । तिग्दा
 भिसम ठीक तरिकासे जग आथान्नी । य्हाडसे चु
 गोर हु ठिमगदे सेमरी थान्तोःला, चु ठिमगदे चा
 ख्रीष्टियन विश्वासला जगला तामगदे हिन्ना ।

सिबा गेगदे

य्हाड सिबा गेगदेग्याम पाप ख्लासी परमेश्वरपट्टि
 दोसी भ्रवारी छ्याइवा मुला । चु सिबा गेगदे भिबा
 तिग हिन्ना ? तिन्हाडगर ल्हाना ह्ण्डबा अनुवाद
 लवागदेसे सिना लबा गेदान सिबा गे भिसी पाड्बा
 मुला । तसैनोन चु ताम ठीक हिन्ना भिसी डाइ
 पाड्बारी आख ।

परमेश्वरग्याम खबा विश्वास अन्ध्रार आलबा गेगदेन सिबा गेगदे हिन्ना भिसी डाइ म्हन्मुला । परमेश्वरग्याम खबा विश्वास अन्ध्रार आलबा जम्मान गेगदे सिबा गे हिन्ना । य्हाडसे लबा गेगदे न्हाडरी जुनी पिन्वा गे चा विश्वास हिन्ना ।

ह्वाड ल्हानान ज्यबा मण्डलीरी निबा म्हि तखम्ला । ह्वाड प्राडबोगदेदा टाडगा पिन्वा म्हि तखम्ला, ओच्छे ह्वाड प्रार्थना लबा म्हिएनोन तखम्ला । तर चु जम्मान गे परमेश्वरग्याम खबा विश्वास अन्ध्रार लबा आतनी भिसम, चु जम्मान सिबा गेगदे हिन्ना । परमेश्वरग्याम खबा विश्वास अन्ध्रार आलबा जम्मान गेगदे ख्लातोःला । परमेश्वरग्याम खबा विश्वाससे जे य्हाडसे लबा विश्वासदेन गेग्याम जुनी याड्मुला ।

चु भिबा चा ह्वाडसे पाप लसीन चिबा मुला भिसी पाड्बा चा आहिन । तर चुला अर्थ चा ह्वाड परमेश्वरला डाच्छापट्टि सोबा आरे भिसी पाड्बा हिन्ना । तिग्दा भिसम ह्वाडला सेमरी विश्वास खबा आरे ओच्छे, ह्वाडसे लबा गेगदेरी परमेश्वरग्याम खबा जुनी आरे ।

पाप ख्लासी परमेश्वरपट्टि दोःबा

पाप ख्लासी परमेश्वरपट्टि दोबा चा सेमला ताम आहिन भिसी य्हाडसे घोतोःमुला । ल्हानान रेम प्रचार लबागदेसे म्हिगदेसे सेमला बानीबेहोर अन्ध्रार गे लगै भिसी म्हाड्मुला । ओच्छे, थेनीगदेदा खीष्टदा विश्वास लउ भिसी पाड्मुला । तर ल्हानान रेम

चुहड्वा गोसे म्हिदा मार ताइना लमुला । तिग्दा भिसम थेहड् लसी सेमग्याम खवा ताम चा म्हसी निमुला । ओच्छे जजाकर जे चिमुला ।

चु ताम सेमरी थान्गो, पाप ख्लासी परमेश्वरपट्टि दोःबाला बारेरी बाइबलरी प्रष्टन पाड्वा मुला । चु चा सेमला ताम आहिन । थे चा पक्क लवा ताम हिन्ना । थे सेमग्याम थोन्वा ताम आहिन । थे चा सेम न्हडग्यामसेन थोन्वा ताम हिन्ना । चुदे य्हाडसे म्हिला सेम घोखम्जी भिसम ओच्छे थेन्ना सेम ढाखम्जी भिसम, य्हाडसे सदनना लागिरी थेनीगदेला सेम परमेश्वरपट्टि दोःबा म्नाड्खम्ला । दान्देला मण्डलीगदेरी च्याजी भिसम ल्हाना हड्वा छिननाडला लागिरी मिन जेला परमेश्वरपट्टि दोःबागदे मुला, तिग्दा भिसम थेनीगदे सेम न्हडहेन्सेन परमेश्वरपट्टि दोःबा आरे । चु तामगदेला बारेरी खेन्सी म्हिगदेसे तिगै तामला अनुमान लजी तला, ओच्छे ताड्जी तला, अथवा तिगै साता, तिगै ला, तिगै दिडला लागिरी ल्हानान ज्यवा ड्हाम्जी तला । तर लिच्छा थेनीगदेदा जुन तामसे डाच्छा भोर्मुबा, थेनोन ताम चा थेनीगदेदेन छ्याम आतमुबा । तिग्दा भिसम थेनीगदे सेम न्हडहेन्सेन अभै परमेश्वरपट्टि दोःबा आरे । पाप ख्लासी परमेश्वरपट्टि दोबा भिवा तामला बारेरी अभै च्याजी भिसम चुसे य्हाडदा परमेश्वरला बचनना अर्थ घोवारी हो लला ।

बाइबलरी गोर न्ही मुल ग्योइ मुलाः छार कबुल ग्रीक ग्योइरी ओच्छे पुरानो कबुल हिब्रु ग्योइरी मुला । चु ग्योइ न्हीरीन पाप ख्लासी

परमेश्वरपट्टि दोबा तामला बारैरी खास छिक मुला । तर व्हाडसे चु ग्योइ न्हीदान ग्ला गिकरीन थान्सी च्यासी जे पाप ख्लासी परमेश्वरपट्टि दोबा भिवा तामला बारैरी ज्यना लसी घोवारी खम्ला ।

जम्बुलिडरी म्हिसे घोबा अन्छार ग्रीक ग्योइरी पाप ख्लासी परमेश्वरपट्टि दोःबा भिवा छिकला अर्थ चा “सदन ह्वाडला सेम दोःबा” भिसी भिवा मुला अथवा ह्वाडसे जुन ताम खेन्वा मुला थे तामग्याम दोःबा हिन्ना । थेतवासेलमा जम्मान भन्दा डाच्छा पाप ख्लासी परमेश्वरपट्टि दोःबा भिवा चा ह्वाड दान्देधोना खाह्ण्ड लसी भ्रवान मुला थे तामग्याम ह्वाडला सेम दोःबा ताम हिन्ना । चु न्हडरी खालै म्हिसे चुह्ण्ड भिसी पाड्वा तामएनोन तखम्ला, “डा ह्वाडनोन ताड्वाला लागिरी जे सोसी चिवा मुबा, ओच्छे डाइ ह्वाडला जे गे लवा मुबा । दाहेन्से डा डादा थान्ना लवा येशूदा ताड्ना लवाला लागिरी सोला ।” डाइ डाच्छा पाड्वा अन्छार, चुह्ण्डवा ताम चा पक्का लवा ताम हिन्ना, म्हन्वा ताम आहिन । तर ह्वाडला सेम परमेश्वरपट्टि आदोःदेधोना पाप ख्लासी परमेश्वरपट्टि दोःबारी आखम ।

पाप ख्लासी परमेश्वरपट्टि दोःबा भिवा चा हिब्रु ग्योइरी ह्वाडसे लवा गेग्याम थोन्वा ताम हिन्ना । हिब्रु ग्योइरी पाड्वा चु ताम चा यहूदीगदेसे सदन पाड्वा ताम हिन्ना । तिग्दा भिसम थेनीगदे ल्हानान होश लसी गे लवा म्हिगदे मुबा । थेनीगदे चा तिगै गे लमाहेन्से तिग तला भिसी घोवारी म्हाइवा म्हि हिन्ना । हिब्रु ग्योइ अन्छार सोभोन पाड्मा पाप ख्लासी परमेश्वरपट्टि दोःबा तामला

अर्थ चा “फ्लिक दोःबा” हिन्ना । हाडला गो चा परमेश्वरपट्टि दोःसी हाडसे हाडला ली चा उल्टोपट्टि दोःसी चिवा मुला, थेतबासेलमा हाड १८० डिग्रीरी फ्लिक दोःसी परमेश्वरदा ली उन्सी, चुहड् भिसी पाड्गो, “परमेश्वर, डा चुरी मुला । डाइ तिग लतोःला सुड्गो, डाइ थे लला ।” चुदे व्हाडसे ग्रीक ग्योइदेन हिब्रु ग्योइरी पाड्बा तामदा ग्ला गिकरीन थान्सी च्याजी भिसम, पाप ख्लासी परमेश्वरपट्टि दोःबा तामला पूरान फोटो खला : थे चा गे लबारी पक्क लबा ताम गिक हिन्ना ।

पाप ख्लासी परमेश्वरपट्टि दोःमाहेन्से विश्वास खमुला

बाइवलला पूरन समाचार चा पाप ख्लासी परमेश्वरपट्टि दोःबा ओच्छे विश्वास लबा हिन्ना । ल्हानान म्हिगदेसे विश्वासला लागिरी दुख लवान मुला भिसी पाड्बा मुला । सत्य ताम चा थेनीगदेसे विश्वासला लागिरी दुख नाबा आहिन । तर थेनीगदेसे पाप ख्लासी परमेश्वरपट्टि दोःबा ताम खाइमै पुरा लबा आरे । जगला गोर हु ठिम न्हडरी पाप ख्लासी परमेश्वरपट्टि दोःबा चा शुरुला ताम हिन्ना । चुदे थे जगला युड्बा ज्यना लसी थान्वा आरेसम, दिम सदन क्यारमार योड योड तला ।

निबा दिडगदेरी डाइ ल्हानान म्हिगदेदा सल्लाह पिन्जी, ल्हानान खीष्टियनगदे हाड हाडला दुखला ताम भसी डा मुबा ग्लारी खमुला । ल्हानान अनुभव याड्माहेन्से डाइ चु ताम पक्का लजी

की खीष्टियनगदेला बोगल न्हीसे च्युइ प्रतिशत समस्यागदे चा थेनीगदेसे खाइमै पाप ख्लासी सेमहेन्सेन परमेश्वरपट्टि आदो:बासेलमा तबा चिम ।

पाङ्गोन तो:मा थेनीगदेसे खाइमै हाडला सेम परमेश्वरपट्टि दो:बा आरे । थेनीगदेसे हाडला ल्हुइरी येशूसे शासन लगै भिसी खाइमै हाडदा येशूला जिम्मारी पिन्वा आरे । थेनीगदेसे अभै चुहड् लसी चिबा मुला: “चुदे डाइ चु गे लजी भिसम थेसे डाला लागिरी तिग लला ?” चुदे खालै म्हि पक्कान पाप ख्लासी परमेश्वरपट्टि दो:बा हिन्सम थेनीगदेसे खेन्वा ताम चा चु आहिन । बरु थेनीगदेसे चुहड् लसी खेन्तो:मुबा “चुदे डाइ चु गे लजी भिसम तिग चु गेग्याम येशूला जयजयकार तला ?”

थेतबासेलमा य्हाडदेन छ्याम ल्हानान म्हिगदे मुला, खास लसी पाङ्गोन तो:मा भर्खरला छामे भ्योनगदे हिन्ना । तर छामे भ्योनगदे जे आहिन जुन म्हिगदेला सेम दोधाररी मुला, थेहड्बा सेम दोधाररी मुबा म्हिला जम्मान बानीबेहोर चा धर्मर तमुला भिसी बाइबलसे पाङ्गुवा मुला । (याकूब १:८ च्यागो) थेला जग बलियो आरे । थेतबासेलमा थेसे बलियो दिम स्होबारी आखम ।

भर्खर हाडसे जुन ताम पढब लबा मुला, थे तामला बारेरी दान्देन सेमहेन्सेन चुहड् लसी खेन्गो, ओच्छे हाडसे हाडदान ड् योइगो, “तिग पक्कान डा हाडला पाप ख्लासी परमेश्वरपट्टि दो:बा मुला ? अथवा तिग दन्देधोना डा दोधाररीन मुला ? तिग सोमवार चा येशूदा ताङ्ना लबा ओच्छे मंगलवार चा हाडसे हाडदान ताङ्ना

लबा डाला सेम हिन्ना ?” चुदे ह्वाडसे चुह्ण्ड्वा
ताम खेन्सी भ्रवान मुसम, सत्य ताम तिग हिन्ना
भिसम ह्वाडदेन छ्याम जम्बुलिडला जम्मान भन्दा
आज्यवा ताम न्ही मुला, चुदे ह्वाडला सेम थेह्ण्ड्
वा मुसम बरु जम्मान ताम ख्लासी परमेश्वरदा
डोआसेवा म्हि ह्ण्ड् लसी सोवान ज्यवा तला ।
तिग्दा भिसम ह्वाड ताम न्हीनोन घोवारी म्हाइवा
दोधारला म्हि हिन्ना ।

तर चुदे ह्वाड थेह्ण्ड्वा ताम खेन्सी भ्रवा
म्हि हिन्सम ह्वाडला पाप ख्लासी सेमहेन्सेन
परमेश्वरपट्टि दोःबाला लागिरी तयार तउ, ओच्छे
येशूला जयजयकार लबाला लागिरी सोउ ।

पाप ख्लासी खाह्ण्ड् लसी परमेश्वरपट्टि दोःबा

बाइबलरी येशूसे सुड्वा गोर गिक उखान
मुला, थे उखान चा खाह्ण्ड् लसी पाप ख्लासी
परमेश्वरपट्टि दोःबा भिवा तामला बारेरी ल्हानान
ज्यवादेन सेम निवा ताम मुला । थे चा म्हवा
भाला उखानना बारेरी हिन्ना । (कोइ कोइ
म्हिसे तिरेम चुदा “वास्ता लबा आवा” भिसी
पाड्तोःला भिसी पाड्मुवा ।) चु उखान चा लूका
१५ अध्यायरी मुला । फ्युक्पो म्हि गिकला भा
च्याड्बासे थारेड् य्हुल्सारी निसी मोजमज्जा
लबा सेम लसी ह्वाडला आवाग्याम याड्तोःबा
अंश किन्जी । जमाहेन्से थेसे जम्मान खालला
पाप गे लजी । तर थेसे ह्वाडला जम्मान सम्पति
जिन्ना लजी, थेनोन धुइरी थे य्हुल्सारी अनिकाल

तजी । ओच्छे थेसे ढ्वा छ्वा गे बाहेक अर्गु
तिगै गे आयाड्नी । (य्हाडसे ढान्तो:बा ताम चा
तिग हिन्ना भिसम थे यहूदी हिन्ना थेला लागिरी
ढ्वा छ्वा गे भिवा चा जम्मान भन्दा आज्यवा गे
हिन्ना । चु ताम पाड्सी तिन्हाडगरला ढ्वा न्हा
म्हदा आज्यवा भिसी पाड्बारी म्हाड्वा आहिन ।
चु ताम चा यहूदीगदेला ठिम अन्ध्रार तवा ताम
हिन्ना, यहूदीगदेला गुडरी ढ्वा चा नम्युड (मुसा)
भन्दाएनोन आज्यवा हिन्ना ।)

चुहड् लसी थेसे भोक्टो क्वान
क्वान्सी, ढ्वा छ्वा गे लसी, ढ्वाला
दाना चसी ह्वाडला फो प्लिड्ना लवा सेम
लजी । लिच्छा थेदा चुहड् तजी,

“जमाहेन्से थेसे ह्वाडला आवाला
दिम ढन्जी, ओच्छे चुहड् भिसी पाड्बारी
छ्याड्जी,....”

लूका १५:१७

य्हाड जम्मान खतो:बा ग्ला चा चुनोन हिन्ना । डाड्
चा “सत्यला बारेरी पाड्बा मुला ।” ह्वाड खाहड्बा
मुला भिसी ह्वाडसे ह्वाडदान च्यागो । परमेश्वरसे
ह्वाडदा खाहड् लसी च्याबा मुला ह्वाडसेनोन ह्वाडदा
थेहड्नोन लसी च्यातो:ला ।

थे भासे ह्वाडला आवाला दिम
ढन्जी । “जमाहेन्से थेसे ह्वाडला दिम
ढन्जी । ओच्छे चुहड् भिवारी छ्याड्जी,
‘डाला दिमरी डाला आवाला नोकरगदेसे
मेन्ना चसीनोन लेड्वाधोना चवा स्हे

मुला । तर डा चा भिसम चुरी फोइथाननोन
सिवारी छ्याइबा मुला । दाहेन्से डा आबा मुबा
ग्लारी निसी, “आबा, डाइ परमेश्वरदेन हाडला
बिरोधरी पाप लजी । दाहेन्से डा हाडला
भा भिबाधोनाला आरे । तसेनोन हाडसे
डादा दया लसी हाडला नोकरगदे न्हडला
गिक म्हन्सी थान्गो भितो:जी” भिसी म्हन्जी ।
जमाहेन्से थे आबा मुबा ग्लारी निजी । आबासे
थेदा थारेडग्याम खवान लबा माड्सी थेला
सेमरी दया रे:जी । ओच्छे ताड्सी भादा
स्याप्वारी यार्बान निसी भादा
हाप खाइसी च्योक लजी ।

लुका १५:१७-२०

पाप ख्लासी सेमहेन्सेन परमेश्वरपट्टि दो:बा

तिग हाडसे गोर न्ही ताम च्याजी ? थेसे सेमहेन्सेन
पक्का लजी ओच्छे फिलक दोजी । पक्का लबा
ताम पूरा लबा चा पाप ख्लासी परमेश्वरपट्टि दोबा
हिन्ना ।

पाप ख्लासी परमेश्वरपट्टि दो:बा चा हाडसे
लबा आज्यबा व्यवहार ख्लासी माया लबा
परमेश्वर आबापट्टि दोसी चुहड् भिसी पाड्बा
हिन्ना, “डाइ जे लाइ म्हन्वा थेनोन लसी भ्रजी,
डा हाडनोन हाड परमेश्वर आबासे म्हन्वा अन्ध्रार
भ्रआखम । परमेश्वर आबा डादा हाड तो:बा
मुला । परमेश्वर हाडसे डादा दो:सी थान्स्थूला ?”

चु ल्हानान ज्यवा ताम हिन्ना खाह्ण्ड लसी
थे भासे हाडला पाप ख्लासी सेमहेन्सेन
परमेश्वरपट्टि दोःजी । ओच्छे थे आवासेनोन भादा
दिमरी थान्वाला लागिरी खाह्ण्ड लसी सेमहेन्सेन
भ्रान्सी चिवा मुबा । थेला सेमरी हाडला आबादा
चुह्ण्ड भिसी पाड्तोःला भिसी म्हन्वा मुबा,
“डादा हाडला नोकरगदे न्हडला गिक म्हन्सी
थान्गो ।” तर थे आज्यवा ग्याम दोःसी खबा धुइरी
थेला आवासे चा थे खबा ग्याम च्यासी चिवान
मुबा । परमेश्वरएनोन चु आवा ह्ण्डवान मुला ।
व्हाडएनोन आज्यवा ग्याम दोःसी खला भिसी
परमेश्वसे स्थीसी स्थूवा मुला । ओच्छे व्हाडदा
भ्रान्सी स्थूवा मुला । चु ल्हानान ज्यवा मुला भिसी
डाइ म्हन्वा मुला ।

आवासे थे थारेडग्याम खवान लबा
म्राड्जी, ओच्छे थेदा याप्वाला लागिरी यार्बान
निजी । आवासे थेला ग्राम्वारी च्योक लजी,
ओच्छे “डादा हाडला नोकरगदे न्हडला गिक
म्हन्सी थान्गो” भिसी पाड्वारी म्हाइवा
ताम खाइमै पाड्आपुड्नी ।

तर आवासे हाडला नोकरगदेदा इयोइसी
चुह्ण्ड भिजी, ‘जम्मान भन्दा ज्यवा क्वान,
च्यापदेन लखम योना भसी चुदा क्वान्सी
पिन्गो। ओच्छे छेवा बहर भसी साइगो
तिनी व्हाडसे भोज लइ ।

लूका १५:२२-२३

चु चा पाप ख्लासी सेमहेन्सेन परमेश्वरपट्टि दोःबाग्याम खबा ताम हिन्ना । पाप ख्लासी परमेश्वरपट्टि दोबा चु ताम चा ढेन्तोःबा खालला मुला । परमेश्वरसेनोन थेह्ण्ड लसी ढेन्मुला । थे तामला बारेरी छिननड खेन्गो । थे म्हवा भासे हाडला आबाला दिम ढन्जी, ओच्छे, थेसे चुह्ण्ड भिसी पाड्जी, “डाइ जे लइ म्हन्वा थेनोन लसी डाला आबासे पिन्वा जम्मान धन सम्पत्ति खेरो भ्याड्जी । तर दाहेन्से डाइ चु ताम पक्का लला । डा आज्यवा ग्याम ख्लासी ज्यवा ग्यामपट्टि दोःला, डा आबा मुबा ग्लारी दोसी निला ओच्छे, डादा माफ लउ भिसी पाड्ला ।” जमाहेन्से थेसे थे ग्याम ख्लासी दोःसी निजी, थेला बारेरी खेन्गो । चु चा सेमहेन्सेन हाडला पाप ख्लासी परमेश्वरपट्टि दोबा मुला, चु चा थेला गेग्याम म्राड्वा मुला ।

पाप ख्लासी परमेश्वरपट्टि दोःबा स्होबा ह्ण्ड लबा

पाप ख्लासी परमेश्वरपट्टि दोःबा स्होबा ह्ण्ड लबाएनोन तमुला भिसी य्हाडसे घोतोःला । थे चा दुख म्हन्वा जे हिन्ना । यहूदासेनोन पाप ख्लासी परमेश्वरपट्टि दोःबा स्होबा ह्ण्ड जे लबा मुबा, चु ताम मत्तीला कितावरी भ्रिवा मुला ।

येशूदा साइनोन तोःला भिसी पाड्वा ताम येशूदा चुड्सी पिन्वा यहूदासे थेःजी । जमाहेन्से थेदा ल्हानान दुख इहम्सी थेसे किन्वा बोगल गिकसे च्युइ म्हुइला डबल परमेश्वरला मन्दिररी पूजा लबा मुल

म्हिंगदेदेन यहूदी गन्वागदेदा दोःसी पिन्वारी
 खजी । ओच्छे यहूदासे “तिगै दोष आरेबा
 म्हिदा साइवाला लागिरी चुड्सी पिन्सी डाइ
 पाप गे लबा मुला” भिसी भिमा, थेनीगदेसे
 यहूदादा “डन्दा तिग मतलब? एनोन सेला”
 भिसी भिजी । जमाहेन्से यहूदासे थे म्हुइला
 डबल परमेश्वरला मन्दिररीन भ्याड्सी
 निजी, ओच्छे थे च्योसी सिजी ।

मत्ती २७:३-५

यहूदासे दुख जे म्हन्जी, तर थेला सेम खाइमै
 परमेश्वरपट्टि आदोःनी । पाड्नुन तोःमा थेला सेम
 परमेश्वरपट्टि दोःबा ताम चा थाल्सी जिन्वा मुबा
 भिसी डाइ विश्वास लबा मुला । डाला लागिरी चु
 चा मुल ताम हिन्ना । चु जुनीरी म्हिंगदेसे ह्वाडला
 सेम परमेश्वरपट्टि दोःबा ग्ला ख्लासी निखम्ला ।
 थेनोन ग्लाग्याम थेनीगदेला सेम परमेश्वरपट्टि
 दोःसेला मुबा ।

खजिबै म्हिला लागिरी पाप ख्लासी
 परमेश्वरपट्टि दोःबारी परमेश्वरसे ह्ने लबा चा मुल
 धुइ हिन्ना । चुदे ह्वाडसे बम योड्बान “दान्दे डाला
 सेम आरे तर लिच्छा तखम्ला” पाड्जी भिसम
 दोःसी परमेश्वरसे ह्वाडदा थेह्ण्ड्वा मौका पिन्ना
 भिबा टुडा आरे । खाल्दामन म्हिला लागिरी गाह्ने
 धुइ चा चुनोन हिन्ना । परमेश्वरसे “ए ह्वाडला पाप
 ख्लासी डापट्टि दोःगो, एदा दोःसी डादेन छ्यामनोन
 थान्वा सेम मुला । डाइ एदा माया लबा मुला , ए
 डादा तोःला” भिसी सुड्वा धुइरी हिन्ना ।

परमेश्वरदा तिग तामसे बोमो रेःना लमुला

डाइ म्हिगदेला ल्हुइरीदेन बाइबलरी
म्राड्बा तामगदेदा च्यासी म्हन्मा, गोर गिक
ताम डाइ पक्क था याड्जी । थे ताम चा
परमेश्वरला दयामायादा वास्ता आलमा परमेश्वरदा
बोमो खना लबा गे गिक जे हिन्ना । परमेश्वरसे
ह्राडला दयामाया य्हाडदा ओस्नोन पिन्वा मुला,
तर चुदे य्हाडसे वास्ता आलनी भिसम परमेश्वरदा
बोमो रेःमुला ।

परमेश्वरला दयामायादा वास्ता आलबा म्हि
गिक चा एसाव हिन्ना, एसावला बारेरी हिब्रु १२
अध्यायरी भिबा मुला । थे ताम च्यागे, तिगदा
भिसम ह्राडदेन डा ह्रड्बा म्हिला गुडरी एसाव
ह्रड्बा म्हिगदे ल्हानान मुला । थेतबासेलमा य्हाडसे
पक्का लतोःबा ताम य्हाडला गुडरी मुबा एसावसे
पक्का आलगै भिसी होशियार ततोःला ।

जम्मान म्हिगदेदेन छ्याम ठिक्सी चिबारीदेन
परमेश्वरला डाच्छा तिगै दोष आरेबा म्हि दोबारी
भड लउ । तिगदा भिसम परमेश्वरला डाच्छा तिगै
दोष मुसम खालैसेन परमप्रभुदा म्राड्बारी आखम ।

च्यागो, खालैनोन परमेश्वरला दयामाया
आयाड्बा म्हि थादोगै । आज्यवा सेमग्याम
खालैदान छेबा वड्बा तना थालगै, ओच्छे
ल्हानान म्हिदा न्होड्ना थालगै । खालैसेन
आज्यवा बानीबेहोर थाथोगै । ओच्छे एसाव
ह्रड्बान परमेश्वरसे कुल्वा ताम आड्यान्वा

म्हि थादोगो । थेसे छाक गिक चबाला
लागिरी थेवा भासे याड्तोःबा अधिकारदान
चुड्जी । हिब्रु १२:१४-१६

एसाव खाल खालदेन छ्याम ब्रेल्सी भ्रजी भिबा
तामला बारेरी य्हाडदा तिगै हिसाब आरे । तर
थेला बानीबेहोर चा परमेश्वरला डाच्छापट्टि ब्रेल्सी
भ्रवा म्हिला ह्रड्बान आज्यवा मुबा । थेला खाह्रड्बा
बानीबेहोर मुबा? खोरे नाड खोलेला लागिरी थेसे
हाडला अधिकार वित चुड्जी । थे चा डाच्छा न्हवा
थेवा भा तबासेलमा थेवा भासे याड्बा अधिकार
मुबा । थेसे चा हाडला आबाला जम्मान सम्पति
याड्सेला मुबा । तर थे फो खेन्वादेन याकूबसे
स्होवा थे खोलेला ज्यवा बास्नासेलमा, थेसे हाडसे
याड्तोःबा अधिकार ख्लाजी ।

चु डाला लागिरी ल्हानान ताड्बा
ताम हिन्ना । तिग्दा भिसम डा अरबीगदेला
गुडरी चिमा, थेनीगदेसेनोन याकूबसे स्होवा
ह्रड्बान खोले स्होमुबा । थे खोलेला ल्हानान ज्यवा
बास्ना खमुला बास्नासे दिमनोन प्लिड्मुला ।
एसाव शिकार क्लाड्सी दोःसी खमा ब्लाप्पादेन
फो खेन्जी ओच्छे थेदा चु खोलेला बास्ना खजी ।
ओच्छे थेवा भासे याड्बा एला अधिकार डादा चूड्
गो । जमाहेन्से एदा खोले पिन्ना” भिसी याकूबसे
सय लबा ताम चा चुनोन मुबा ।

एसावसे चुह्रड् भिसी म्हन्जी तला
भिसी डाइ म्हन्वा मुला, दान्दे डादा थेवा भासे
याड्तोःबा अधिकारसे तिग ज्यवा लला ? डादा फो
खेन्वा मुला । डादा जुन स्हे किन्गो भिसी पाड्बा
मुला थे स्हे कुटीसी किन्तोःला ।

बाइबलरी चुहड् भिसी पाड्बा मुला, एसावसे थेबा भासे याड्तोःबा ह्वाडला अधिकारदा वास्ता आलनी । ओच्छे, थेसे परमेश्वरदा ल्हानान बोमो रेःना लजी । लिच्छा, मलाकी भिवा अगमवक्ताग्याम, परमेश्वरसे चुहड् भिसी सुड्जी, “डाइ याकूबदा माया लजी, एसावदा हेला लजी” (मलाकी १:२-३) । चु ल्हानान घेन ताम हिन्ना । चुदे ह्वाडसे सेसी घोसीनोन परमेश्वरला दयामायादा वास्ता आलनी ओच्छे परमेश्वरसे येशू खीष्टग्याम पिन्वा अधिकारदा वास्ता आलनी ओच्छे चु जम्बुलिडरी उदि धिनना लागिरी याड्बा ताड्बा तामला लिच्छा भ्रजी भिसम, ह्वाडसे परमेश्वरदा ल्हानान बोमो रेःना लला ।

परमेश्वरपट्टि दोःआपुड्बा ग्यामदा ख्लाबा

हिब्रुला किताबग्याम एसावला वारेरी भिवा समाचार च्यागेः एनीगदेदा थानोन मुला, लिच्छा थेसे ह्वाडला आवाग्याम मोलम किन्वारी म्हाइजी । ओच्छे क्रासी क्रासी ह्वाडसे डाच्छा चूड्बा अधिकार दोःसी किन्वारी म्हाइजी । तर थेसे आयाड्नी । तिग्दा भिसम थेसे ह्वाडसे लबा आज्यवा गे ख्लाबा मौकान आयाड्नी । हिब्रु १२:१७

ग्रीक ग्योड्री घोना लसी पाड्बा मुला थेसे ह्वाडला पाप ख्लासी परमेश्वरपट्टि दोःबा ग्याम म्हाइबा आहिन, तर थेसे मोलम म्हाइवान मुबा ।

थेसे ह्वाडला पाप ख्लासी परमेश्वरपट्टि दोःबाला
 लागिरी तिगै ग्लादेन ग्याम आयाड्बासेलमा
 थेसे जम्मान ख्लाजी । चु ल्हुइरी म्हिसे ह्वाडला
 पाप ख्लासी परमेश्वरपट्टि दोःबा ग्याम ख्लासी
 निजी भिसम थे दोःसी खाइमै थेरी खआखम
 भिवा तामरी विश्वास लबा मुला । चु तामदा
 खेन्गो भिवा डाला विन्ती मुला, तिग्दा भिसम चु
 ल्हानान घेन ताम हिन्ना । दान्देला मण्डलीगदेदेन
 थरीथरीला म्हिगदेला समूहसे पाप ख्लासी
 परमेश्वरपट्टि दोतोःला भिवा तामदा जजाकर जे
 लोप्मुला । तर सेमहेन्सेन पाप ख्लासी परमेश्वर
 पट्टि आदोःदेधोना खाइमै सेमहेन्सेन विश्वास लबा
 म्हि दोबारी आखम । ह्वाडसे सदन तोरदेन मारला
 म्हिङ्गयुर्बा तामदा छिननडएनोन थाखेन्गो, तिग्दा
 भिसम ह्वाडसे शूरूरी जगला युडबा थान्वा आरे,
 थे युडबा चा पाप ख्लासी परमेश्वरपट्टि दोःबा
 हिन्ना । पाप ख्लासी परमेश्वरपट्टि दोःबा चा ह्वाडसे
 ह्वाडदान ताड्ना लबादेन ह्वाडसे म्हन्वा अन्छार
 भ्रसी परमेश्वरदा ग्याप उन्वा बानीबेहोर ख्लासी
 परमेश्वरपट्टि दोःबारी पक्का लबा ताम हिन्ना ।
 परमेश्वरपट्टि दोःसी, “डा चुरी मुला, डाइ तिग
 लतोःला, डाइ थेनोन लला सुङ्गो” भिसी पाङ्गो ।

चु किताब पढव लवान लबा ह्वाडनी न्हडला गादे
 म्हिसे मी दान्देधोना पाप ख्लासी परमेश्वरपट्टि
 दोःबा आरे तला । ह्वाडनीला तिगै तामसेलमा
 थेह्वाड् तखम्ला, ह्वाडनीदा डाला चु सल्लाह मुला,
 ह्वाडसे तिरे ज्यवा म्हन्ना, मण्डलीरी ल्हानान ज्यवा
 संगति तजी, ओच्छे जम्मान ज्यवान मुला भिसी
 ह्वाडसे खेन्ना । न्हडगरदाड स्थोरी तिगै आज्यवा

तजी भिसम ह्वाडला सेम सिला । ताम चा तिग हिन्ना भिसम ह्वाडसे खाइमै जगला युडवा ज्यना लसी आथान्नी । ह्वाडदेन छ्याम मुबा जम्मान स्हे चा म्हिडग्युर्ना लबा दिम जे हिन्ना, थे तिरेकुनु फुप्सी निला ।

पाप ख्लासी परमेश्वरपट्टि दोःमाहेन्से विश्वास खला

डाइ दोःसीनोन पाड्ला पाप ख्लासी परमेश्वरपट्टि दोःमाहेन्से जे विश्वास खमुला । पाप ख्लासी परमेश्वरपट्टि आदोःदेधोना पक्का विश्वास आख । चु ताम छार कबुल नाडनोन पाड्वा मुला ।

व्हाडसे मत्ती ३ अध्यायरी बप्तिस्मा पिन्वा यूहन्नासे लबा परमेश्वरला गेला वारेरी पढव लबा मुला । थेदा चा फेप्खवान लबा येशू ख्रीष्टला लागिरी ग्याम स्होबाला लागिरी पुइखवा मुबा । छिक गिकरी पाड्तोःमा, थेसे थेःना लबा थार्बा पिन्वा समाचार चा “पाप ख्लासी परमेश्वरपट्टि दोःबा” हिन्ना । येशू ख्रीष्ट फेप्खवा भन्दा डाच्छा पाप ख्लासी परमेश्वरपट्टि दोनोन तोःला भिसी बप्तिस्मा पिन्वा यूहन्नासे लोप्जी । पाप ख्लासी परमेश्वरपट्टि दोःबा तामसे चा फेप्खवान लबा येशू ख्रीष्टला ग्याम स्होसेला मुबा । परमेश्वरला म्हि इस्राएलीगदेसे, पाप ख्लासी परमेश्वरपट्टि दोःसी आभ्रदेधोना थेनीगदे थार्बा पिन्वा ग्लेदेन छ्याम हुप तआखम ।

ल्हानान दिड लिच्छा बप्तिस्मा पिन्वा

यूहन्ना यहूदिया अञ्चलला, तोडतोडबा ग्लारी खसी
चुहड् भिसी पाड्बारी छ्याइजी,

“हाड हाडला पाप ख्लासी परमेश्वरपट्टि
दोःगो, तिग्दा भिसम स्वर्गला यहुल्सा
खसी जिन्वा मुला!” यशैया अगमवक्तासे
चुनोन यूहन्नाला बारेरी चुहड् भिसी
पाड्बा मुला, “तोडतोडबा ग्लारीक्यार
परमप्रभुला ग्याम तयार लउ, ओच्छे
'परमप्रभु भ्रबाला लागिरी थेला ग्याम सोजो
स्होउ,' भिसी म्हि गिक क्रिड्वा मुला”
(मत्ती ३:१-३) ।

बप्तिस्मा पिन्वा यूहन्नासे खाहड् लसी प्रभुला
ग्याम तयार लजी ? परमेश्वरला म्हिगदेदा पाप
ख्लासी परमेश्वरपट्टि दोःगो भिसी तयार लजी ।
पाप ख्लासी परमेश्वरपट्टि दोःबा चा प्रभु फेप्खबाला
लागिरी य्हाडला सेमदेन ल्हुइदा तयार लबा ग्याम
गिक जे हिन्ना ।

येशूसे परमेश्वरला यहुल्साला समाचार थेःना लबा

यूहन्नासे हाडला गो जिन्ना लमाहेन्से थेसे पाड्
बा परमेश्वरग्यामला ताम चुहड् लसी पूरा तजी ।
जमाहेन्से येशू हाडसेन परमेश्वरला यहुल्साला
समाचार थेःना लबारी फेप्खजी । चु ताम मर्कूससे
भ्रिवा थाबा पिन्वा समाचाररी भ्रिवा मुला ।

बप्टिस्मा पिन्वा यूहन्नादा भयाख्वानरी
थान्माहेन्से येशूसे परमेश्वरला यहुल्साला
समाचार थेःना लवान गालील अञ्चलरी
फेप्जी । “दाहेन्से धुइ योसी जिन्वा मुला,
ओच्छे परमेश्वरला यहुल्सा खबा धुइ तसी
जिन्वा मुला । थेतबासेलमा एनीगदे पाप
ख्लासी परमेश्वरपट्टि दोःगो । ओच्छे थार्वा
पिन्वा समाचाररी विश्वास लउ” भिसी
सुड्जी । (मर्कूस १:१४-१५)

पाप ख्लासी परमेश्वरपट्टि दोःगो
ओच्छे विश्वास लउ । हाडला पाप ख्लासी
परमेश्वरपट्टि आदोःदेधोना हाडसे सेमहेन्से विश्वास
लबारी आखम । येशूसे विश्वास लउ भिसी
जम्मान भन्दा डाच्छा कुल्बा आहिन, तर पाप
ख्लासी परमेश्वरपट्टि दोःगो भिसी कुल्बा मुबा ।
डाइ एशियाला न्हुप लोपट्टिला ग्लारी तबा गेताडरी
बो किन्वा ताम ढन्मुला । थे गेताडरी परमेश्वरला
बचन थेःना लबा म्हि गिकसे स्हुस्हेरग्याम खम्बाला
बारेरी थेःना लबा मुबा । थेसे स्हुस्हेरग्याम खम्ना
लबा परमेश्वरसे म्हन्वादेन परमेश्वरला सेमला
तामला बारेरी ल्हानान ज्यना लसी पाड्जी । थेसे
स्हुस्हेरग्याम खम्ना लला भिसी परमेश्वरसे लबा
ल्हानान कबुलगदेला बारेरी पाड्जी । तर थेसे
म्हिगदेदा हाडला मुबा ग्ला ड्योइवा भन्दा डाच्छा
पाप ख्लासी परमेश्वरपट्टि दोःतोःबा तामला बारेरी
छिक गिकनोन आपाड्नी ।

थे गेताडरी डाच्छा खबा म्हिगदे न्हाडरी
ल्हाना हड्बान चा ल लुदा तेन्वा म्हिगदे मुबा,

ओच्छे परमेश्वरसे थेनीगदेदा तिग पिन्वान मुला
थे किन्बारी तिग लतोःला भिवा ताम थेनीगदेदा
था आरेमुबा । डादा था मुला, तिग्दा भिसम रुथदेन
डा डाच्छा खबा थे म्हिगदेदा सल्लाह पिन्वा लबा
गे लवान मुबा । थेला ज्यवा सेमसे लबा गेताडदेन
ज्यवा ग्योड्ग्याम थेःना लबा तामसे थे म्हिगदेदा
पुरन अन्दोल तना लजी भिवा ताम डाइ था
याड्जी । तिग्दा भिसम थेसे थेनीगदेदा ह्वाड ह्वाडला
पाप आख्लानन परमेश्वर मुबा ग्लारी खाखम्ला
भिसी घोना लमुबा । थेसे वचन पाड्मा पाप
ख्लासी परमेश्वरपट्टि दोःतोःला भिसी तिरेमएनोन
आपाड्नी ।

डाइ चु ताम वचन थेःना लबा म्हिला
बिरोध लबाला लागिरी पाड्बा आहिन, तर डाइ
थेग्याम तिगै ताम लोप्जी । ल्हानान “ज्यवा
समाचार” थेःना लबा मण्डलीगदेरीएनोन ल्हानान
म्हिगदे अन्दोलरी मुला भिवा ताम डादा था मुला ।
तिग्दा भिसम परमेश्वरसे थेनीगदेदेन छ्याम तिग
हीवा मुला भिवा ताम चा आपाड्ना परमेश्वरसे
थेनीगदेला लागिरी तिग लला भिवा ताम जे पाड्बा
मुबा । जम्मान भन्दा डाच्छा परमेश्वरसे य्हाड्ग्याम
म्हाइबा ताम चा पाप ख्लासी परमेश्वरपट्टि दोःबा
हिन्ना । परमेश्वरपट्टि दोःबा भिवा चा आज्यवा
ग्याम ख्लासी य्हाडला पुरन सेमसे थेदा तेन्वा
हिन्ना । चु भिवा चा य्हाड भ्रवा आज्यवा ग्याम
ख्लासी १८० डिग्रीरी फ्लिक दोःबा हिन्ना । पर
मेश्वरपट्टि दोःसी य्हाडसे थेदा, “परमेश्वर डाइ तिग
लतोःला सुड्गो, डाइ लला” भिसी पाड्तोःला, पाप
ख्लासी परमेश्वरपट्टि दोःबा चा चुनोन हिन्ना ।

चुदे येशूसे ह्वाडसे लबा गे थुम्ना लबा धुइदा य्हाडसे ढन्जी भिसम, येशूसे लोप्वा ताम खाइमै आपोनी । सिवाग्याम सोमाहेन्से येशूसे ह्वाडला चेलागदेदा लोप्जी । (ढनो, चु ताम चा येशू जम्बुलिड ख्लासी फेप्वा भन्दा छिन्नाड डाच्छाला ताम हिन्ना ।)

“ओच्छे येशूसे थेनीगदेदा चुह्इ भिसी सुइजी,थार्बा पिन्वा खीष्टसे दुख नातो:ला ओच्छे सोमरेमाकुनु थे सिवाग्याम सोला, थेला मिनरी ह्वाड ह्वाडला पाप ख्लासी परमेश्वरपट्टि दो:जी भिसम पापला दोष मेटव तला । चु ताम यरुशलेमहेन्से जम्मान य्हलला म्हिगदेदा थे:ना लतो:ला भिसी परमेश्वरला वचनरी भिवा मुला ।”

लूका २४:४६-४७

थार्बा पिन्वा समाचाला शुरुहेन्सेन च्यागो, डाच्छा पाप ख्लासी परमेश्वरपट्टि दो:गो, जमाहेन्से माफ याइला (पापग्याम माफ याइला) । पाप ख्लासी परमेश्वरपट्टि आदो:देधोना माफ याइनोन आयाइ । यरुशलेमहेन्से जम्मान य्हल्ला म्हिगदेदा थे:ना लतो:वा थार्बा पिन्वा समाचार चा चुनोन हिन्ना, पाप ख्लासी परमेश्वरपट्टि दो:माहेन्से जे येशूला मिनरी जम्मान पापग्याम माफ याइला ।

पत्रुससे पाप ख्लासी परमेश्वरपट्टि दोःगो भिसी दोःसी पाड्बा

पेन्तिकोसला धिनकुनु परमेश्वरला आत्मा शक्तिशाली रुपरी मण्डलीथोरी फेखमाहेसे मण्डलीदा जम्मासेन डोसेजी । थेह्ण्ड लसी परमेश्वरला आत्मा फेखवा धुइरी थेरी ल्हानान यहूदीगदे पोब तजी । ओच्छे, थेरी थेनीगदेसे तिग तजीम भिसी घोबारी म्हाइजी । थेनोन पत्रुस डोड रेःसी मूल चेलागदेला गेला किताब २ अध्यायग्याम पाड्जी । थेसे पाड्बा थे बचन चा जम्मादान था मुला । थेसे बचन पाड्सी थुम्बारी छ्याइबा धुइरी थे बचनसे थेरी मुबागदेला सेमरी थुर्जी, ओच्छे दाहेन्से तिग लतोःला भिसी थेनीगदेसे पत्रुसदा ड्योइजी । पापीगदेसे तिग लतोःला भिसी मण्डलीदा ड्योइबा चा चु जम्मान भन्दा डाच्छारेम मुबा ।

जमाहेन्से पत्रुसला ताम थेःसी
थेनीगदेला सेमरी ल्हानान दुख तजी, ओच्छे
पत्रुसदेन स्थान्दो मुल चेलागदेदा “दाहेन्से
डन्से तिग लतोःला ज्योज्यो आले?” भिसी
ड्योइजी

मुल चेलागदेला गे २:३७

चुदे ह्ण्ड थे ग्लारी दोखवा मुसम थे ग्लारी ह्ण्डसे तिग लगै भिबा परमेश्वरला सेम मुला भिबा ताम ह्ण्डसे पक्कान घोबारी म्हाइबा मुला । ओच्छे ह्ण्डसे थेह्ण्डनोन लबारी म्हाइबा

मुसम, परमेश्वरला तिग लबा सेम मुला भिवा
तामरी ह्वाडसे तिगै शंक लआतोः । ह्वाडदा पाड्
बाला लागिरी परमेश्वरदा तिगै गाहो आरे । गाहो
तबा ताम चा परमेश्वरसे ह्वाडला लागिरी तिगै
लबा सेम लबादेन ह्वाडदा थे गे लबा ग्लारी भबारी
हिन्ना ।

चु म्हिगदेसे ह्वाड ह्वाडला पाप गेला बारेरी
पक्का था तमैछ्याम मुल चेलागदेदा चुह्ण्ड् भिसी
ड्योइजी, “म्हिगदेन ज्योज्यो आलेगदे, डन्से तिग
लतोःला ?” पत्रुस परमेश्वरलादेन मण्डलीला
बारेरी पाड्बा म्हि तबासेलमा थेनीगदेदा ज्यबादेन
तुन्वा ओच्छे सजिलोसे घोखम्बा जोहाव पिन्जी ।
पत्रुससे थेनीगदेदा चुह्ण्ड् भिसी जोहाव पिन्जी,

“दाहेन्से एनीगदे ह्वाड ह्वाडला पाप ख्लासी
परमेश्वरपट्टि दोःगो । ओच्छे पाप माफ
याड्बारी एनीगदेसे खीष्टला मिनरी बप्तिस्मा
किन्गो । जमाहेन्से एनीगदेसे परमेश्वरला
आत्माला मोलम याड्ला ।” पद ३८

ताम सोमला तहगदे

पत्रुससे पाड्बा तामरी य्हाडसे ताम सोमला
तहगदे था याड्मुला ।

गिक चा पाप ख्लासी परमेश्वरपट्टि दोःबा ।

अर्गु चा क्युइला बप्तिस्मा किन्वा ।

ओच्छे अर्गु चा परमेश्वरला आत्मा किन्वा ।

परमेश्वरला गेताड खाइमै आपोमुला, पापीगदेसे

तिनीन लगै भिसी परमेश्वरसे म्हन्वा ताम
चुनोन हिन्ना । दन्देला मण्डलीगदेसे पाप ख्लासी
परमेश्वरपट्टि दोःगो, क्युइला बप्तिस्मा किन्गो
ओच्छे परमेश्वरला आत्माला किन्गो भिसी थेःना
लदोबा ताम चा चुनोन हिन्ना भिसी डाइ विश्वास
लवा मुला ।

जुन जुन ग्लारी थार्बा पिन्वा समाचार
थेःना लमुला, थे थे ग्लारी पेन्तिकोसला धिनकुनु
तबा ह्दुनोन तमुला । म्हगदेसे ह्दाड ह्दाडला
पाप ख्लासी परमेश्वरलापट्टि दोःमुला, बप्तिस्मा
किन्मुला ओच्छे थेनीगदे परमेश्वरला आत्मा याड्
मुला । खीष्टदा विश्वास लबागदे बप्तिस्मा किन्सी
क्युइग्याम थोन्वान लमा थेनीगदे परमेश्वरला
आत्मासे प्लिड्बा डाइ ल्हानान रेम म्दाड्बा मुला ।

तिगदा य्हाडसे थे थार्बा पिन्वा समाचार छुम्सी
थान्वा ? य्हाडदा छुम्सी थान्वा अधिकार आरे ।
य्हाडदा गिक जे अधिकार मुला, थे अधिकार चा छार
कबुलरी मुबा थार्बा पिन्वा समाचार चुह्दु लसी पाड्
बा हिन्नाः पाप ख्लासी परमेश्वरपट्टि दोःबा, बप्तिस्मा
किन्वा ओच्छे परमेश्वरला आत्मा याड्बा । य्हाडसे
थार्बा पिन्वा समाचार थेःना लमाहेन्से परमेश्वरसे
य्हाडदा जोहाब पिन्ना । परमेश्वर खाइमै आपोबा
परमेश्वर हिन्ना, ओच्छे थार्बा पिन्वा समाचार
एनोन खाइमै आपोबा समाचार हिन्ना । तर धुइ
धुइरी पोबा चा मण्डली हिन्ना । डाइ अर्गु ताम
गिक पाड्ला थे ताम थेःमाहेन्से ह्दाड उदेक तला ।
डाइ मुल चेलागदेला गेहेन्से दान्देधोनान क्युइला
बप्तिस्मा आकिन्ना येशूग्याम थार्बा याड्ला भिसी

पाड्बा म्हि स्याप्वा आरे । चुदे ह्वाडसे थेह्वाड्बा लबा स्याप्जी भिसम थे ठीक हिन्ना की आहिन भिसी च्यागो । येशूसे चुह्वाड् भिसी सुड्जी, “विश्वास लसी बप्तिस्मा किन्वागदेसे थार्बा याड्ला” (मर्कुस १६:१६) । य्हाडदा चु “बप्तिस्मा किन्गो” भिवा छिक ते:बा तिग अधिकार मुला ? विश्वास लसी बप्तिस्मा किन्माहेन्से थार्बा याड् बा हिन्ना । ह्वाडसे चुह्वाड् लसी जिन्माहेन्से ह्वाड पमेरश्वरला आत्मासे प्लिड्बाधोनाला तला । चु चा मण्डलीसे थे:ना लतो:बा समाचार हिन्ना । दान्देधोना परमेश्वर ह्वाड् लसी चु ताम खाइमै पोबा आरे ।

पावलसे थे:ना लबा थार्बा पिन्वा समाचार

पावलसे लबा परमेश्वरला गो च्यागे, मुल चेलागदेला गो भिवा कितावरी भिवा अन्ध्रार, पावल चा स्थान्दो य्हुल्ला म्हिगदेला लागिरी घेन मुल चेला मुबा । जम्मान भन्दा डाच्छा, पावल ह्वाडसेन एथेन्स भिवा ग्लारी तिग लतो:ला भिसी था याड्जी । थे शहररी चा ल्हानान धर्मदेन ल लु तेन्मुबा । थेसे थे शहरला म्हिगदेदा थार्बा पिन्वा समाचार थे:ना लसीन ख्लाजी । पाड्न्नोन तो:मा, थेनीगदेदा थार्बा पिन्वा समाचार थे:ना लबा सेम पावलला आरेमुबा भिसी डाइ म्हन्वा मुबा । तसैनोन पावलसे मुल चेलागदेला गो १७:३० पदरी ह्वाडला ताम थुम्ना लमा थेनीगदेसे पावलसे विश्वास लबा तामदेन पाड्बारी म्हाइबा ताम था याड्बारी

म्हाइबा मुबा । थेतबासेलमा पावलसे थेनीगदेदा पाड्सीन ख्लाजी । म्हिगदेसे मुर्ति तेन्सी परमेश्वरदा वास्ता आलना भ्रमुला भिसी पावलसे सदन म्हिगदेदा चुह्ण्ड् भिसी पाड्जी:

“थेतबासेलमा डाच्छा आसेना आघोना लबा धुइला गेदा परमेश्वरसे वास्ता आलनी । तर दाहेन्से परमेश्वरसे जम्मान म्हिगदेदा “ह्वाड ह्वाडला पाप ख्लासी डापट्टि दो:गो” भिसी कुल्वा मुला.....।” मूल चेलागदेला गे १७:३०

दान्दे परमेश्वरसे खानड दाम्मन मुबा म्हिगदेदा ह्वाड ह्वाडला पाप ख्लासी डापट्टि दो:गो भिसी कुल्वा ताम चु पदसे प्रस्टन पाड्वा मुला । परमेश्वरसे खजिबै ग्लादेन खालै म्हिगदेदा ख्लाबा आरे । चु चा परमेश्वरसे जम्बुलिडरी जम्मान म्हिगदेग्याम म्हाइबा ताम हिन्ना । चुदे य्हाड ह्वाडला पाप ख्लासी परमेश्वरपट्टि दो:जी भिसम य्हाडसे निबा धिनरी लबा आज्यबा गेगदेदा परमेश्वरसे म्ले:वा सेम लबा मुला ।

निसाफ लबा येशू

ओच्छे पावलसे थेनीगदेदा अभै चुह्ण्ड् भिसी पाड्बान निजी:

“तिग्दा भिसम परमेश्वर ह्वाडसेन धम्बा म्हिग्याम खालैला ली आच्याना जम्बुलिडला निसाफ लबारी

परमेश्वरसे थे धिन तोगव लसी जिन्वा
मुला । ओच्छे जम्मान म्हिगदेदा चु धिन
उन्वाला लागिरी येशूदा सिवाग्याम सोना
लजी ।" मुल चेलागदेला गे १७:३१

चुरी य्हाडसे मुल चेलागदेसे थे:ना लबा
थार्बा पिन्वा समाचारला अर्गु मुल ताम म्हाड्वा
मुला । थे मुल ताम चा ल्हाना ह्ण्ड् ख्लावा मुला ।
येशू थार्बा पिन्वा प्रभु जे आहिन, तर निसाफ
लबा प्रभुएनोन हिन्ना । थार्बा पिन्खम्बा ह्ण्ड् लसी
येशूसे निसाफएनोन लबारी खम्मुला । चुदे य्हाडसे
येशूदा थार्बा पिन्वा प्रभु हिन्ना भिसी डोआसेनी
भिसम य्हाडसे थेदा निसाफ लबा प्रभु हिन्ना भिसी
डोसेतो:ला ।

ल्हानान म्हिगदेसे थार्बा पिन्वा समाचार
थे:ना लमा चु सत्य तामदा ख्लामुला । म्हिगदेसे
थार्बा पिन्वाला बारेरी ताम लमुला, तर निसाफ
लबाला बारेरी चा खाइमै ताम आलमुला ।
पाड्नुोन तो:मा, पावलसे एथेन्सला म्हिगदेदा
थार्बा पिन्वा समाचार थे:ना लमा थार्बा पिन्वाला
बारेरी आपाड्नी । तर थेसे निसाफ लबाला
बारेरी पाड्वा मुबा ।

चुदे तिरेकुनु येशूसे निसाफ लबा ग्लारी
राप्तो:ला भिसी सत्य तामला बारेरी म्हिगदेदा
आपाड्नी भिसम थेनीगदे ल्हानान फरक तरिकासे
भ्रला । दान्देला ल्हाना ह्ण्ड्वा खीष्टियनगदे जे लइ
म्हान्वा थेनोन लसी भ्रवादेन गिकसेम गिकदा
बोमो लसी चिमुला । तिग्दा भिसम येशू थार्बा

पिन्वा प्रभु जे आहिन तर निसाफ लबा प्रभुएनोन
हिन्ना भिबा सत्य ताम लोप्वा आरे । “परमेश्वरसे
धिन तोकव लसी जिन्वा मुला, थे धिनकुनु चा
येशूसे जम्बुलिडला निसाफ लला ।”

परमेश्वरदा सेम निबा दोःबाला मुल ताम

निसाफ लबा मुल ताम चा परमेश्वरदा
सेम निबा म्हि हिन्ना । थे चा य्हाड खाह्ण्ड लसी
भ्रवा मुला, ओच्छे य्हाड खाह्ण्ड्वा म्हि मुला भिबा
हिन्ना । चु थरीथरीला समूहला बारेरी, य्हुल्ला
बारेरी, अथवा य्हाडला समाजला तहला बारेरी
ड्योड्वा ताम आहिन । निसाफ लबाला लागिरी
ताम गिक जे मुला थे चा परमेश्वरदा सेम निबा
म्हि दोबा हिन्ना ।

यूहन्नासे जम्मान भन्दा डाच्छा भ्रिबा
चिठीरी चुह्ण्ड् भिसी पाड्वा मुला, “जम्मान खाल्ला
नड्वा गेगदे पाप हिन्ना” (१ यूहन्ना ५:१७) ।
परमेश्वरदा सेम निबा म्हि दोबा भिबा तिग
भिसी म्हिगदेसे ड्योड्बारी खम्ला । थे चा योड्
(बाड्गो) भिबा तिग हिन्ना भिसी ल्हानान थरीसे
ड्योड्वा ह्ण्ड्वान हिन्ना । डा रेखा गणित ओदे
ल्हाना सेवा म्हि मी आहिन, तर थे तामला जोहाव
पिन्वाला लागिरी डाड् ह्ण्डनीदा सीधा धर्को गिक
उन्ना । थे सीधा धर्कोग्याम क्यारमार निबा चा
जम्मान योड् तबा हिन्ना । थे चा डिग्री गिक
जे तोरमार तसैनोन ९० डिग्रीला कोण तोरमार

तसैनोन थे चा योइ तवान हिन्ना । थेह्ण्ड लसीन,
जम्मान नइबा गेगदे चा पाप हिन्ना । जुन स्हे चा
परमेश्वरदा सेम आनिबा स्हे हिन्ना थे जम्मान
पाप हिन्ना । थेरी चा समुह सोमला ताम आरे ।

दान्देला ल्हानान विश्वासीगदे चा चुनोन
समुह सोम न्हडरी मुला: थे परमेश्वरदा सेम
निबाएनोन आरे, थे पापएनोन आहिन । समूह
सोम चा आरे भिसी परमेश्वरसे म्हन्मुला । जुन
स्हे परमेश्वरदा सेम आनिमुला थे चा पाप हिन्ना ।

तिगै बाँकी आथान्बा

मूल चेलागदेला गे २० अध्याय च्यागे,
थेरी एफिसस शहररी पावलसे लबा
परमेश्वरला गेला बारेरी भिबा मुला । थेरी थेसे
परमेश्वरला गेग्याम ल्हानान घेन गे तबा मुला ।
मुल चेलागदेला गे २० अध्यायरी थेसे एफिसस
शहरला मण्डलीला एल्डरगदेदेन छ्याम ताम लवान
मुबा । तिग्दा भिसम थे थेनीगदे मुबा ग्लाग्याम
निबारी छ्याइबा मुबा । मुल चेला २०:२५ पदरी
थेसे चुह्ण्ड भिसी पाइबा मुला, “दो:सी खाइमै य्हाड
हुप आत भिबा डादा था मुला, (चु जम्बुलिडरी)” ।
थेसे पाइबा थे ताम चा थेनीगदेदा वास्तादेन माया
लसी पाइबा ताम मुबा । एफिसस शहररी थेसे
लबा गेला बारेरी चुह्ण्ड लसी भिबा मुला:

“डाइ हाडनीदा लोप्वा धुइरी डाइ तिगै
ताम बाँकी आथान्ना लोप्जी ”

मुल चेला २०:२०

चु तामला बारेरी डाइ सदन खेन्वा मुलाः
 “डाइ ह्वाडनीदा लोप्वा धुइरी डाइ तिगै ताम बाँकी
 आथान्नी” चुला अर्थ चा तिग हिन्ना भिसम म्हि
 गिकसे थावा पिन्वा सत्य समाचार पूरन थेःना
 आलबा सेम खमुला । तिग्दा भिसम थावा पिन्वा
 सत्य समाचार पूरन थेःना लमा ह्वाडसे ह्वाडला
 समाजरी याड्बा तह ख्लातोःबाएनोन तखम्ला ।
 अथवा चुदे ह्वाड खजिबै थरीथरीला समूहरी स्थूसी
 गे लबा मुसम, थे थरीथरीला समूहरी जुन तहरी
 स्थूसी गे लमुबा थे ख्लातोःबाएनोन तखम्ला । चुदे
 ह्वाड जम्मासेन डोसेबा समाजला घेन म्हि हिन्सम,
 ह्वाडसे समाजग्याम याड्बा मान म्लेतोःबाएनोन
 तखम्ला । तर पावलसे चुह्ण्ड् भिसी पाड्बा मुला,
 “थेला बारेरी डाइ ल्हानान खेन्जी, ओच्छे डाइ चु
 तामरी पक्का लजी । ओच्छे थावा पिन्वा समाचार
 ला तिगै ताम बाँकी आथान्ना लोप्वाला लागिरी
 डादा तिगै तामसे लोभ उन्वारी आखम्नी ।”

“डाइ ह्वाडनीदा लोप्वा धुइरी डाइ तिगै
 ताम बाँकी आथान्ना लोप्जी ।”

२० पद

डादा चु ज्यवा छोर्जी, तिग्दा
 भिसम पावलसे थेःना लबा थावा
 पिन्वा समाचार ल्हानान म्हिगदेला
 गुडरी तसै दिमरी तसै तिगै फरक
 आरेमुबा । थेसे थेःना लबा थावा पिन्वा
 समाचार गिकनोन मुबा । थे थावा पिन्वा
 समाचार खाहड्बा मुबा ?

“यहूदीगदेदेन अर्गु यहूलला
 म्हिगदेदाएनोन डाइ ह्राड ह्राडला पाप
 ख्लासी परमेश्वरपट्टि दोःगो ओच्छे य्हाडला
 प्रभु येशू ख्रीष्टदा विश्वास लउ भिसी
 पाड्वा मुला ।”

२१ पद

पाप ख्लासी परमेश्वरपट्टि दोतोःबा ताम
 डाच्छा खला की विश्वास डाच्छा खला ? पाप
 ख्लासी परमेश्वरपट्टि दोःबा चा डाच्छा खला ।
 डाच्छा ह्राडसे “परमेश्वर डादा माफ लउ, डा
 पापी मुबा, डा ह्राडलान सेम अन्ध्रार भ्रजी,” भिसी
 पाड्वा, जमाहेन्से ह्राडसे येशूथोरी विश्वास
 लला । ओच्छे ह्राडसे “येशू डाइ ह्राडदा विश्वास
 लजी, ह्राडसे डाला पापगदे किन्जी, ओच्छे डाला
 लागिरी कूसरी सिजी” भिसी पाड्वा । तर डाच्छा
 ह्राडला पाप ख्लासी परमेश्वरपट्टि आदोःदेधोना
 ह्राडसे येशूथोरी लबा विश्वास सत्य तआखम ।
 तर चुला बारेरी छार कबुलरी सदन ढिक्वा ताम
 मुला । मण्डलीसे पाप ख्लासी परमेश्वरपट्टि
 दोतोःला । य्हाडसे ल्हाना ह्रड्बान थार्बा पिन्बा
 समाचारदा छाँटकाट लबादेन म्हिगदेदा धोका
 पिन्बा, ओच्छे पक्का ख्रीष्टियन दोबा तामला
 बारेरी फट्टा तामदा उन्वा मुला । पाप आख्लादेधोना
 पक्का ख्रीष्टियन दोबारी आखम । पाप ख्लासी
 परमेश्वरपट्टि आदोःनी भिसम तिगै विश्वास
 आतमुला ।

जम्मान ग्लारी जम्मान म्हि

जम्मान ग्लारी जम्मान म्हिसे ह्वाड ह्वाडला पाप
ख्लासी परमेश्वरपट्टि दोतो:ला भिसी बाइबलसे
पाड्बा मुला (मुल चेला १७:३० स्हीगो)। “ह्वाडसे
तिग्दा जम्मान ग्लाला जम्मान म्हि भिसी ड्योइला
तला ?” डाइ ह्वाडनीदा यशैया अगमवक्तासे
पाड्बा तामग्याम जोहाव पिन्ना ।

“य्हाड जम्मान ग्याम थोर्बा ग्यु ह्वाडवान तबा
मुबा, य्हाड जम्मान ह्वाड ह्वाडलान तालरी
भ्रवा मुबा । ... ” यशैया ५३:६

य्हाडला ह्वाड ह्वाडलान ग्यामरी भ्रवा चा
य्हाडला समस्या हिन्ना । य्हाडसे म्हि साइ आतो:,
ल लुदाएनोन तेन्आ:तो अथवा खालैला तिगै स्हे
य्हो लआतो: ओच्छे फट्टा तामएनोन लआतो: तर
य्हाड जम्मासेन गे गिक चा लबा मुला: थे गे चा
य्हाड ह्वाड ह्वाडला सेमसे म्हन्वा अन्ध्रारला ग्यामरी
भ्रवा मुला । य्हाडला ग्याम परमेश्वरला ग्याम
आहिन । य्हाड जम्मालान चु समस्या गिकनोन
हिन्ना । य्हाड जुन थरीथरीला समूहदेन य्हुलला
मुसैनोन य्हाड जम्मान ह्वाड ह्वाडलान सेमसे म्हन्वा
अन्ध्रार भ्रवा मुला ।

ओच्छे यशैयासे चुह्वाड लसी पाड्मुला:

परमप्रभुसे य्हाडला जम्मान पाप थेदा
(येशूदा) काप्सी पिन्जी । ६ पद

पाप भिवा चा ल्हानान आज्यबा ताम
हिन्ना । थे पाप चा य्हाड ह्वाडलान सेमसे म्हन्वा

अन्छार भ्रवा हिन्ना । थे परमेश्वरदा भन्दा ह्वाडदा
घेन स्होसी परमेश्वरला विरोध लवा हिन्ना ।
थेतबासेलमा परमेश्वरला लागिरी जम्मान ग्लाला
जम्मान म्हिगदे ह्वाड ह्वाडला पाप ख्लासी परमेश्वर
पट्टि दोतो:मुला । तिगदा भिसम य्हाड जम्मान
ह्वाड ह्वाडलान सेमसे म्हन्वा अन्छार भ्रवा मुला ।
य्हाड जम्मासेन ह्वाडदान ताड्ना लवा तामदेन गे
जे लसी चिवा मुला ओच्छे, य्हाडसे परमेश्वरदा
ख्लासी भ्रवा मुला । परमेश्वरसे “चुदे एनीगदेसे
ह्वाड ह्वाडला पाप ख्लासी डापट्टि दोजी भिसम डाइ
एनीगदेदा किन्ना । येशूसे एनीगदेला लागिरी जुन
गे लवा मुला, थे गेसे लमा डाइ एनीगदेला पाप
माफ लला । ” भिसी सुड्वा मुला । पाप ख्लासी
परमेश्वरपट्टि दो:बा चा मुल ताम हिन्ना ।

ख्लासी परमेश्वरपट्टि दोबा ताम चा परमेश्वरग्याम शुरु तबा मुला

जम्मान ज्यवा स्हे परमेश्वरग्याम
खमुला । य्हाड सदन परमेश्वरला दयामायाग्याम
सोबा मुला भिवा ताम य्हाडसे था याड्तो:
मुला । य्हाडसे परमेश्वरला दयामाया आयाड्देधोना
ओच्छे, परमेश्वरला आत्मासे आथुर्देधोना, य्हाड
ह्वाड ह्वाडला पाप ख्लासी परमेश्वरपट्टि दो:बारी
आखम । चु तामला बारेरी दाऊदला व्हाइला
किताबला ८० अध्यायरी ज्यना लसी भिवा मुला,
खाल गिकलान ताम सोमरेमधोना पाड्वा मुला ।

परमेश्वर आबा, उन्दा ह्वाड मुबा ग्लारी

दोःसी भउ, ह्राडला स्थालसे डनीथोरी य्हाल
तना लउ, ओच्छे डनी सोला । ३ पद

जम्मान भन्दा घेन परमेश्वर, डन्दा ह्राड मुबा
ग्लारी दोःसी भउ, ह्राडला स्थालसे डनीथोरी य्हाल
तना लउ, ओच्छे डनी सोला । ७ पद

परमप्रभु, जम्मान भन्दा घेन परमेश्वर, डन्दा ह्राड
मुबा ग्लारी दोःसी भउ, ह्राडला स्थालसे डनीथोरी
य्हाल तना लउ, ओच्छे डनी सोला । १९ पद

चु दन्देला अनुवादसे “ डन्दा ह्राड मुबा
ग्लारी दोसी भउ” भिसी पाड्बा तामदा हिव्रु
ग्योइरी “डन्दा दोसी भउ” भिसी पाड्बा मुला । अर्गु
छिकरी पाड्तोःमा, “डन्दा पाप ख्लासी ह्राडपट्टि
दोपुड्गो” भिसी पाड्बा मुला । थे ताम गिकनोन
पद ३, ७ देन १९ री लसी सोमरेमधोना पाड्बा
मुला ।

परमेश्वर...डन्दा ह्राड मुबा ग्लारी दोःसी
भउ, ह्राडला स्थालसे डनीथोरी य्हाल तना लउ,
ओच्छे डनी सोला ।

जम्मान भन्दा घेन परमेश्वर, ...ओच्छे डनी सोला ।
परमप्रभु...डन्दा ह्राड मुबा ग्लारी दोःसी भउ,
ह्राडला स्थालसे डनीथोरी य्हाल तना लउ,
ओच्छे डनी सोला ।

परमेश्वर ह्राडपट्टि आदोःदेधोना हाडसे
ह्राडला पाप ख्लासी परमेश्वरपट्टि दोःबारी
आखम । चुह्रड् लसी दोबा गे चा परमेश्वर
ग्याम शूरु तबा मुला । थेतबासेलमा पर

मेश्वरसे य्हाडदा थेपट्टि दोःबारी छ्याइबा धुइ चा मुल ताम हिन्ना । तिग्दा भिसम चुदे य्हाड अर्गुपट्टि दोःजी भिसम, य्हाडसे पाप ख्लासी परमेश्वरपट्टि दोःबा चा ह्हाडसे ह्हाडदान ख्लासी निबा ह्हाडवान हिन्ना । य्हाडसे पाप ख्लासी परमेश्वरपट्टि दोःबारी परमेश्वरथोरी भर लमुला ।

दोःसीनोन “डन्दा दोःसी भउ”

विलापला किताब चा यरुशलेमसे परमेश्वरला विरोध लबाला लवान लबासेलमा यरुशलेम नाश तमा यर्मियासे दुख म्हन्वा ताम हिन्ना । विलाप ५:२१ पदला अनुवादरी “डन्दा दोःसी भउ” भिसी पाड्बा मुला । तर दाऊदला व्हाइला किताबला ८० अध्यायरी भिवा छिकदेन चुरी भिवा छिक गिकनोन हिन्ना ।

*परमप्रभु, डन्दा ह्हाड मुबा ग्लारी दोःसी
भउ, डनी दोःसी खला । विलाप ५:२१*

अर्गु छिकरी पाड्तोःमा यर्मियासे चुह्हाड लसी प्रार्थना लवान मुला, “प्रभु, डन्दा दोःसी भउ, डनी दोःसी खला ।” चु ल्हानान घेन ताम हिन्ना । ह्हाडदा परमेश्वरसेन आदोःदेधोना ह्हाड दोःसी खबारी आखम । थेतबासेलमा ह्हाड ह्हाडला पाप ख्लासी परमेश्वरपट्टि दोःबाला लागिरी परमेश्वरसे गे लबारी शुरु लबा ताम चा य्हाड जम्मालान लागिरी म्हन्नोन आखम्बा धुइ तमुला ।

डाइ भ्योन म्हि गिकदा डोसेबा मुला, थे

म्हि चा डा सिपाहीरी गे लबा धुइरी डाला हो मुबा । डाइ प्रभुदा विश्वास लबा ताम चा थे गिकदा जे था मुबा, ओच्छे थेसे डाला ल्हुइरी पोबा तामगदे ज्यना लसी म्नाड्बा मुबा । लिच्छा डाइ थे ग्लारी बाइबल कक्षा शूरु लजी । डाइ तिगै लतोःला भिसी खेन्जी । थे धुइरी बाइबल कक्षा खाहड् लसी चलब लतोःला भिसी डादा ज्ञान आरेमुबा, खानड्ग्याम शुरु लतोःबा भिबा तामएनोन था आरेमुबा । थेतबासेलमा डाइ छार कबुलला अध्याय गिकग्याम शुरु लतोःला भिसी खेन्जी । थेतबासेलमा डाइ येशूला आखेम्हेमेहेन्सेला तामग्याम शुरु लजी । ज्याडपट्टिला अफ्रिका य्हुल्साला तोडतोडबा ग्लारी डाइ शुरु लबा चु कक्षारी चिबा डाला सिपाही होगदे गोर बिल डा मुबा । जमाहेन्से डाला ठिक्वा हो गिक डा मुबा ग्लारी खसी चुहड् भिसी पाड्जी, “डादा माफ लउ आखे, दाहेन्से डा हाडला बाइबल कक्षारी आख ।” जमाहेन्से डाइ थेदा “तिगदा आख ?” भिसी पाड्मा थेसे डादा “तिगदा भिसम डादा था मुला चुदे डा खजी भिसम डाएनोन खीष्टियन दोला” भिसी पाड्जी ।

ल्हानान दिड लिच्छा डाइ थेदा ल्हानान दुख याड्बा म्नाड्जी । डाइ हुप तबा म्हिगदे न्हडरी थे हड्बा दुख याड्बा म्हि अर्गु म्नाड्बा आरे ! ओच्छे थे धुइधोनारी थेला सेम पोसी जिन्वा मुबा । ओच्छे थेसे हो लउ भिसी डादा पाड्जी । ओच्छे डाइ थेदा खम्देधोना जम्मान तामरी हो लजी । म्हिगदेदा प्रभु मुबा ग्लारी भवा गे चा जम्मान भन्दा ज्यबा ताम हिन्ना भिसी डाइ जम्मान म्हि

यहुलला काइरनरी पाइखम्ला । तर लोइसी डाइ
थेदा ह्यो लबारी आखम्नी । डाइ थेला म्रिडदा चा ह्यो
लजी, ओच्छे, थेला म्रिडला आत्मा चा सोजी । तर
थेदा चा ह्यो लबारी आखम्नी । लिच्छाला दिडगदेरी
डाइ थेदा ह्युव तआखम्नी, थेतबासेलमा थे खाहड्
लसी सिजी भिवा ताम डादा था आरे । तर च्यागो,
ओहो थे ताम ठन्मा मी ! थेदा खीष्टियन दोबारी
डाइ ह्यो लगै भिसी थेसे म्हन्वा मुवा । तर डाइ
थेदा ह्यो लबारी आखम्नी, ओच्छे, थेएनोन ह्याडनोन
खीष्टियन दोबारी आखम्नी ।

ह्याडसे सेम लवा धुइरी डा दोखम्ला भिसी
ह्याडसे म्हन्ना तला ।, “परमेश्वर दान्दे डादा फुर्सत
आरे, ह्याड लिच्छा फेप्वउ” भिसी पाइला भिसी
ह्याडसे म्हन्मुदाला । तर ह्याडसे थेहड् लबारी
आखम । तिग्दा भिसम डाला ह्यो परमेश्वरपट्टि
दोबारी सेम लजी, तर थे दोबारी आखम्नी ।

पाप ख्लासी परमेश्वरपट्टि दोःबा की नाश तबा

पाप ख्लासी परमेश्वरपट्टि आदोबा म्हिला
लागिरी ग्याम गिक जे मुला भिसी बाइबलसे
पाइबा मुला । थे ग्याम चा नाश तबा ग्याम
हिन्ना । चु ताम चा य्हाडसे येशूसे लबा
गेगदेरी लूका १३ अध्यायला शूरुला तिगै पदगदेरी
याइमुला ।

थेनोन धुइरी थेरी मुवा कोइ कोइ म्हिगदेसे
येशूदा चुहड् भिसी पाइजी । गालीलला

म्हगदेसे परमेश्वरदा बलि फुल्वान लमा
 पिलातस भिबा रोमी अञ्चलाधीशसे
 थेनीगदेदान साइजी । ओच्छे थेनीगदेला
 काएनोन पशुला कादेन छयाम दोइजी ।
 लूका १३:१

पाइनोन तो:मा, थेनीगदेसे तिगै बलिदान
 फुल्वान लबा धुइरी पिलातससे थेनीगदेदा साइबा
 मुबा । थे चा थेनीगदेला लागिरी ज्यवान ताम
 हिन्ना भिसी ह्वाडसे म्हन्खम्ला, तर येशूसे चुह्ण्ड
 भिसी सुइजी,

“जमाहेन्से येशूसे थेनीगदेदा चुह्ण्ड भिसी जोहाब
 पिन्जी, “थे गालीलला म्हगदेसे चुह्ण्ड लसी दुख
 नाजी भिदेमा एनीगदेसे चु गालीलला म्हगदेसे
 स्थान्दोगदे भन्दा ल्हानान पापी मुला भिसी
 म्हन्वा? आहिन, एनीगदेसे डाला ताम ड्यान्गो,
 तिग्दा भिसम एनीगदेसे ह्वाड ह्वाडला पाप ख्लासी
 परमेश्वरपट्टि आदो:नी भिसम एनीगदेएनोन थेह्ण्ड
 लसीन नाश तला। थेह्ण्ड लसीन सिलोआम भिबा
 ग्लाला धरहरा गुर्सी सिबा च्युक भ्रे: म्हगदे तिग
 यरुशलेमला स्थान्दो म्हगदे भन्दा पापी मुबा भिसी
 म्हन्वा? आहिन, डाला ताम ड्यान्गो, तिग्दा भिसम
 एनीगदेसे ह्वाड ह्वाडला पाप ख्लासी परमेश्वरपट्टि
 आदो:नी भिसम एनीगदेएनोन थेह्ण्ड लसीन नाश
 तला।”२-५ पदगदे

पाप ख्लासी परमेश्वरपट्टि दो:बा की नाश
 तबा । चु ग्याम न्ही जे मुला । चु बचन चा येशू
 ह्वाडसेन सुइबा बचन हिन्ना ।

पाप ख्लासी परमेश्वरपट्टि दोःबा चा विश्वासला ग्यामरी भ्रवा हिन्ना

दाहेन्से विश्वास अन्छारला बानीबेहोरला बारेरी खेन्वाला लागिरी य्हाडसे छिननड थेदा च्यागे, थे चा पाप ख्लासी परमेश्वरपट्टि दोःबा ज्यवा ताम हिन्ना । रोमी १०:१७ री “विश्वास चा थार्बा पिन्वा समाचार थेःसी खवा मुला, ओच्छे थे थार्बा पिन्वा समाचार चा खीष्टला बारेरी पाड्बा ताम हिन्ना” भ्रिवा मुला । चु चा ल्हानान घेन ताम हिन्ना ।

बाइबल अन्छार विश्वास भ्रिवा चा सदन परमेश्वरला वचनथोरी विश्वास लबा हिन्ना । विश्वास चा ग्ला गिकग्याम जे खमुला: थे चा परमेश्वरला वचनग्याम हिन्ना । चुसे परमेश्वरला वचनरी जे जोड पिन्मुला । तिनीन्हाडगर अंग्रेजीरी चुहड् भिसी पाड्मुला “डाक्टर थोरी डाला घेन विश्वास मुला,” अथवा “राजनीतिक पार्टीथोरी विश्वास मुला,” अथवा र् य्हान्दो तिगै तामथोरी विश्वास मुला । थेहड् लसी खेन्सी तिगै न्होड्बा आरे, थेहड् लसी भर लबा तामला बारेरी पाड्बा चा ज्यवा हिन्ना । तर थेहड् लसी लबा विश्वास चा वचन अन्छार आहिन । बाइबल अन्छारला विश्वास चा सदन परमेश्वरला वचन अन्छार मुला । परमेश्वरला वचन अन्छार आरेबा खजिबै ताम बाइबल अन्छारला विश्वास आहिन ।

विश्वासदेन आश

य्हाडसे विश्वासला बारेरी हिब्रु ११
अध्यायरी स्याप्मुला । बाइबलसे विश्वासला
बारेरी पाड्बा ताम चा थे जे हिन्ना भिसी
डाइ म्हन्वा मुला । थे बाहेक विश्वासला
बारेरी बाइबलरी पाड्बा अर्गु तिगै ताम
डाइ उन्वारी आखम ।

विश्वास लबा चा आश लबा ताम याड्ला

भिसी ढुक्क तबादेन आम्राड्बा तामरी
पूरान भर लबा हिन्ना ।
हिब्रु ११:१

य्हाडसे थेरी विश्वासदेन आशला गुडरी तबा
तामला बारेरी म्राड्मुला । डाइ ल्हानान म्हिगदे
स्याप्वा मुला थेनीगदेसे थेनीगदेदेन छ्याम विश्वास
मुला भिसी म्हन्वा चा आश जे मुबा । विश्वास
चा दान्देलाला ताम हिन्ना; आश चा लिच्छाला ताम
हिन्ना । विश्वास चा पक्का मुबा स्हे हिन्ना ।
थेह्ण्ड लसीन म्राड्बा तिगै स्हेदा चा पक्काला
स्हे भिसी पाड्मुला । विश्वास अन्ध्रार लिच्छाला
लागिरी य्हाडदा पक्का आश खमुला । तर पक्का
विश्वास अन्ध्रार आरेबा तिगै आश चा सेमरी
म्हन्वा ताम जे हिन्ना ।

य्हाडला सेमरी विश्वास मुला भिसी था
याड्बा चा य्हाडला लागिरी घेन ताम हिन्ना,
पाड्नोंन तोःमा विश्वास चा य्हाडला सेमरी मुबा
ताम हिन्ना । थे ताम दान्देन मुला ।

तिग्दा भिसम चुदे एसे येशूदान प्रभु
 भिसी पाड्बादेन थेदा सिबाग्याम सोना
 लबा हिन्ना भिसी सेमहेन्सेन विश्वास लजी
 भिसम ए थार्ला । तिग्दा भिसम हाडला
 सेमसे विश्वास लबा म्हिदा परमेश्वरसे
 हाडदा सेम निबा म्हि हिन्ना भिसी सुड्ला,
 ओच्छे येशूदा प्रभु हिन्ना भिसी पाड्बासे
 लमान थेसे थार्ला याड्ला । रोमी १०:९-
 १०

दोःसी चु पदरी च्यागो, बाइबल अन्ध्रारला
 विश्वास चा खेन्वा तामरी आहिन, विश्वास चा
 सेम न्हडरी तमुला ।

सेमरी विश्वास

छार कबुलरी विश्वास भिबा छिक चा
 भ्रवा स्हे हिन्ना, तिग्दा भिसम थे ग्ला गिकरी
 चिबा स्हे आहिन । विश्वास चा जम्मान घोखम्बा
 ज्ञान बुद्धिग्याम किन्वा स्हे आहिन । विश्वास चा
 हाडला सेम न्हडरी मुबा तिगै ताम हिन्ना । थेसे
 हाडदा खजिबै छार ग्यामरी भोर्मुला । विश्वास
 लबा हड् लसी विश्वास छिक चा भ्रवा स्हे हिन्ना ।
 य्हाडसे विश्वासग्यामसेन थार्ना पिन्वा समाचाररी
 विश्वास लबा मुला । हाडसे हाडला ज्ञान बुद्धिग्याम
 विश्वास लबारी खम्ला, तसैनोन हाडला सेम
 खाइमै पोबारी आखम । हाडसे बाइबलला जम्मान
 ठिमदा ज्ञान बुद्धिला रुपरी किन्खम्ला, ओच्छे थे
 अन्ध्रार भ्रखम्ला । तर हाडदा सेमहेन्से विश्वास

तमाहेन्से चा थेसे ह्वाडदा थाना लला ।

विश्वास चा दान्देला ताम हिन्ना;
आश चा लिच्छाला ताम हिन्ना । विश्वास
चा सेम न्हडरी तवा ताम हिन्ना; आश चा
खेन्वा ताम हिन्ना ।

चु ताम न्हीलान बारेरी पावलसे १
थेस्सलोनिकेरी पाड्बा मुला । थेसे थेरी
ल्हानान सेम निवा फोटो उन्वा मुला :

तर य्हाड चा धिनीरी भ्रवा म्हिला सन्तान
तबासे लमा

होशियार तसी भ्रतो:ला । ओच्छे सेनासे
ह्वाडदा जोगव

लबारी कुरी पाता थान्वा ह्वाड लसी
य्हाडसेनोन ह्वाडदा

जोगव लबाला लागिरी य्हाडला
विश्वासदेन मायादा

थोसी भ्रतो:ला । थेह्वाड लसीन य्हाडसे
पूरा थारवा

याड्ला भिसी लवा आशदा सेनागदेसे
टोप

कूवा ह्वाड लसी सदन कूतो:ला ।

१ थेस्सलोनिकी ५:८

ह्वाडसे चु पदरी थरी न्हीला हतियारगदे
म्राड्खम्ला: थे हतियार चा कुरी क्वान्वा पातादेन
थोबोरी कूवा टोप हिन्ना । विश्वास चा कुरी
क्वान्वा पाता हिन्ना, ओच्छे थेसे सेमदा जोगव
लमुला । आश चा थोबोरी कूवा टोप हिन्ना, ओच्छे
थेसे थोबोदा जोगव लमुला । विश्वास चा सेम

न्हडरी तमुला; आश चा दिमागरी तमुला ।

आश आरेनान आतबा ताम हिन्ना, तिग्दा भिसम जम्मान खीष्टियनगदेसे आश लतोःमुला । चुदे खालै म्हिला सेम सिजी भिसम, थेसे आश लबा ख्लाबा हिन्ना । आश चा परमेश्वरला वचन अन्ध्रार ज्यबा स्हे पक्का याड्ला भिसी आश लबा ताम हिन्ना भिसी डाइ पाड्ला । य्हाड सेमहेन्सेन येशूदा विश्वास लबा जम्मादान पक्कान ज्यबा स्हे याड्ला भिवा आश मुला । चु ल्हुइरी य्हाडदा तिगदम्मान तगै थे ख्लागो, य्हाड सदनना लागिरी येशूदेन छ्याम चिवारी निवान मुला । चुदे थे ताम चा ह्हाडसे लबा आश हिन्सम, ह्हाडदा उदि धिनना लागिरी दुःख तखम्ला, ओच्छे ह्हाडला सेम सिखम्ला । तर ह्हाडसे थे तामदा खाइमै म्लेःबारी आखम । तिग्दा भिसम ह्हाडदेन छ्याम आश मुला थे आश चा विश्वासग्याम खबा आश मुला ।

विश्वासला बारेरी पाड्बा गोर ब्लि ताम

विश्वासला बारेरी तिगै ताम च्याबाला लागिरी दोःसी हिब्रु ११ अध्यायरी च्यागे । (उदेकला चु हिब्रु ११ अध्यायदा घेन “विश्वासला अध्याय” भिसी डोसेमुला) ।

**१. विश्वास चा आम्राड्बा तामदेन छ्याम
ढिक्मुला ।**

परमेश्वरसे ह्हाडला वचनग्यामसे चु
जम्बुलिड स्होजी भिवा ताम विश्वासग्याम

य्हाडसे था याड्बा मुला । थेहड लसी
 य्हाडला मीसे आम्राड्बा स्हेगदेग्यामसेन
 म्राड्बा स्हेगदे स्होजी । हिब्रु ११:३ य्हाडदा
 विश्वाससे म्राड्आखम्बा स्हेदा उन्बा
 मुला । चु ताम य्हाडसे आघोनान आतबा
 ताम हिन्ना । विश्वास चा य्हाडसे तिग
 म्राड्मुला थेग्याम खबा आहिन । य्हाडदा
 विश्वाससे म्राड्खम्बा स्हेगदे मुबा ग्लारी
 भन्दा मीसे आम्राड्बा स्हेगदे मुबा ग्लारी
 भोर्मुला ।

२ कोरिन्थी ५:७ री पावलसे, “डनी
 विश्वासग्याम भ्रवा मुला, डन्ना मीसे म्राड्बा ताम
 अन्ध्रार आहिन” भिसी पाड्बा मुला ।

चु अन्ध्रार चु ताम न्ही चा ग्याम न्ही
 हिन्ना । य्हाडसे म्राड्माहेन्से थे स्हेदा विश्वास
 लआतो: । य्हाडसे आम्राड्बा स्हेदा चा विश्वास
 लतो:ला । पावलसे “डनी विश्वासग्याम भ्रवा
 मुला,” भिसी पाड्बा मुला । य्हाड म्राड्बा स्हेगदे
 अन्ध्रार भ्रवा आरे । य्हाडसे जुन तामरी विश्वास
 लबा मुला य्हाड थे अन्ध्रार भ्रवा मुला ।

लाजरसला धुर्साला पाखापट्टि येशूसे मार्थादा
 “एसे विश्वास लजी भिसम परमेश्वरला घेन
 य्हालदेन शक्ति म्राड्ला भिसी डाइ पाड्बा
 आहिन ?” भिसी सुड्जी । यूहन्ना ११:४०

येशूसे सुड्बा अन्ध्रार डाच्छा
 विश्वास खला की म्राड्बा ताम खला ?
 म्हिगदेसे ल्हाना हड “डाइ म्राड्माहेन्से थेदा
 विश्वास लला” भिसी पाड्मुला । तर थे

सत्य ताम आहिन, तिग्दा भिसम हाडसे
 म्माड्माहेन्से विश्वास लआतोः । विश्वास चा
 हाडसे आम्राड्वा धुइरी लतोःमुला । “य्हाड
 विश्वास अन्ध्रार भ्रवा मुला, म्माड्वा ताम
 अन्ध्रार आहिन ।”

“म्माड् जे म्माड्सम डाइ विश्वास लला” भिसी
 पाड्वा म्हिगदे डाइ ल्हानान स्याप्वा मुला । तर
 थे ताम सत्य आहिन, तिग्दा भिसम म्माड्माहेन्से
 विश्वासनोन लआतोः । आम्राड्वा धुइरी चा हाडसे
 विश्वास लतोःला । “य्हाड विश्वास अन्ध्रार भ्रवा
 मुला, म्माड्वा ताम अन्ध्रार आहिन ।”

२. मुल ताम चा विश्वास बानीबेहोर हिन्ना ।

शुरुला ग्योइ ग्रीकदेन हिब्रु अन्ध्रार विश्वास
 चा ठिम अन्ध्रार भ्रवा ताम आहिन । चु चा
 बानीबेहोरला ताम हिन्ना । य्हाडसे थेःना लवा थार्बा
 पिन्वा समाचार अन्ध्रार य्हाडसे खेन्वा ताम ठीक
 आहिन । य्हाडसे विश्वासदा खजिबै ठिम गिकदा
 हड् लसी म्हिला ज्ञान बुद्धि अन्ध्रार घोवा ताम पाड्
 बारी म्हाड्वा मुला । तसैनोन पाड्नुोन तोःमा विश्वास
 चा बानीबेहोरला ताम हिन्ना । चु विश्वास चा हिब्रु
 ग्योइला यमुनाहदेन ग्रीक ग्योइला पिस्तीस भिवा छिकदेन
 छ्याम ढिक्वा मुला । चु छिक न्हीलान मुल अर्थ चा
 “विश्वास लखम्बादेन हाडला गे पूरा लवा ओच्छे
 हाडसे हाडदान जिम्मा पिन्खम्बा हिन्ना ।” येशूसे हाडदा
 विश्वास लबागदेदा “एनीगदे चा डादा दुख तमा ह्ये
 लबागदे हिन्ना” भिसी सुड्जी (लूका २२:२८)। थे चा
 विश्वास हिन्ना । थे चा येशूदेन छ्याम सदन तमुला,
 थे चा म्हि गिकदेन छ्याम अथवा येशूदेन छ्याम पक्का

लबा ताम हिन्ना ।

३. विश्वाससे तिगै ताम हिन्ना भिसी पाड्पुड्मुला

य्हाडसे येशूदा डाला प्रभु हिन्ना भिसी पाड्माहेन्से विश्वाससे य्हाडदा परमेश्वरला मन्दिररी पूजा लबा जम्मान भन्दा घेन येशूदेन छ्याम ठिक्का लमुला । य्हाडसे परमेश्वरसे पुड्खबा परमेश्वरला मन्दिररी पूजा लबा मूल म्हि येशूदा च्यागे ।
हिब्रु ३:१

थे सत्य मूल तामदा ठन्गो । य्हाडसे हिन्ना भिसी पाड्बा ताम चा येशू परमेश्वरसे पुड्खबा परमेश्वरला मन्दिररी पूजा लबा मूल म्हि हिन्ना भिसी पाड्बा ताम हिन्ना ।

चुदे थेह्ण्ड पाड्सम येशू परमेश्वरसे पुड्खबा ह्वाडला मूल पूजा लबा म्हि हिन्ना । चुदे ह्वाड कुटीसी चिजी भिसम येशू परमेश्वरला मन्दिररी पूजा लबा ह्वाडला मूल म्हि दोबारी आखम । थेतवासेलमा ह्वाडला विश्वासग्याम हिन्ना भिसी पाड्बा ताम चा मूल ताम हिन्ना ।

थेतवासेलमा य्हाडसे लबा विश्वासरी अक्क य्हाड कोड्सी चिड् । तिगदा भिसम स्वर्गरी फेष्वा परमेश्वरला भा येशून परमेश्वरला मन्दिररी पूजा लबा य्हाडला मुल म्हि हिन्ना ।
हिब्रु ४:१४

य्हाडसे हिन्ना भिसी पाड्माहेन्से य्हाडला

सेम खाह्ण्ड्वा मुला भिसी च्यामुला । तर य्हाडसे विश्वास लसीन चिमुला । ओच्छे य्हाडसे विश्वास लबा आख्लादेधोना परमेश्वरला मन्दिररी पूजा लबा म्हि येशू य्हाडला मूल म्हि दोला ।

हिब्रु १० अध्यायसे य्हाडदा
अभ् च्हुड् भिसी पाड्मुला:
परमेश्वरला दिमरी जम्मान अधिकार याड्वा
परमेश्वरदा
तेन्वा य्हाडला मूल म्हि गिक
मुला ।..... य्हाडसे लबा आशरी य्हाड
याडयोड आतना कोड्सी चिड्
हिब्रु १०:२१, २३

च्यागो, य्हाड विश्वासग्याम आशरी बढव तवान मुला । य्हाडदा य्हाडला विश्वास अन्ध्रार ला आश मुला । य्हाडसे विश्वास मुला भिसी पाड्मुला, ओच्छे दान्दे आश मुला भिसी पाड्मुला ।

हिब्रु १०:२३ पदसेनोन “विश्वासरी याडयोड आतना चिड्” भिसी पाड्वा मुला । ह्हाडसे खेन्वा अन्ध्रार थेसे तिग्दा विश्वासरी याडयोड आतना चिड् भिसी पाड्जी तला ? थेसे तिग्दा य्हाडसे सेमहेन्सेन लबा विश्वासदा कोडन लसी चुड्सी थान्तो:मुला भिसी पाड्जी तला ? तिग्दा भिसम य्हाडदा विरोध लबा शक्तिगदे तला, य्हाडला विरोधरी ल्हानान दबाव पिन्वा तामगदे खला, ओच्छे य्हाडला सेम सिना लबाला लागिरी हेबाव लबा धुड्एनोन खला । विश्वासला ल्हुड् चा नासी लडाड् लबादेन विश्वासरी पक्का लबा हिन्ना,

ओच्छे य्हाडसे लनोन तोःबा चा य्हाड “विश्वासरी याडयोड आतना” कोड्सी चितोःबा हिन्ना ।

४. विश्वास खाहडबा मुला भिसी च्याला

डाला चु ताम थुम्बारी छ्याडबा धुइरी डाइ ह्हाडनीदा चु ताम पाड्नीन तोःला, डादा पाड्गे आम्हन्सै, विश्वास खाहडबा मुला भिसी च्याला । विश्वास खाहडबा मुला भिसी आच्याबा विश्वास चा परमेश्वरला डाच्छापट्टि तिगै गेआखेल्ला विश्वास हिन्ना । येशूसे एफिससला मण्डलीदा चुहड् भिली सुड्जी:

“थेतबासेलमा सदन फ्युक्पो दोबाला
लागिरी डाग्याम मेरी खाड्सी खारेब लबा
म्हर ग्लुड ।” यूहन्नादा उन्वा ताम ३:१८

चुरी येशूसे सुड्बा विश्वास चा सेमहेन्सेन लबा विश्वास हिन्ना । थे विश्वास खाहडबा मुला भिसी च्यामा ठीक मुला भिसी पाड्बा ताम हिन्ना । ओन्मा मेरी खाड्सी खारेब आलबा म्हरदा तिगै गेआखेल्ला म्हर भिसी म्हन्मुबा । थेतबासेलमा खाहडबा मुला भिसी आच्याबा विश्वासदाएनोन परमेश्वरसे तिगै गेआखेल्ला विश्वास भिसी म्हन्मुला ।

नावा धुइ

डाला ताम थुम्ना लबा भन्दा डाच्छा डादा
याकूब १:२-४ पाड्गे म्हन्जी:

डाला ज्योज्यो आले नाना आडागदे,
एनीगदेथोरी थरी थरीला आपत विपत खमा चु
ताड्तोःबा

ताम हिन्ना भिसी म्हन्नो । तिग्दा भिसम चुह्ण्ड्वा
दुख

नामाहेन्छे, एनीगदेला विश्वासग्याम अभ्
एनीगदेसे घेन घेन

दुख नाखम्ला भिबा ताम एनीगदेदा थानोन मुला ।
थेतबासेलमा

एनीगदेथोरी खवा जम्मान दुख पूरान नागो ।
चुह्ण्ड् लजी भिसम एनीगदे जस्तोन दुख तसैनोन
नाखम्बा

पाको म्हि दोला ।

ह्ण्डदा तिगै दोष आरेबादेन पाको म्हि दोबा
सेम मुला ? ह्ण्डसे नावा तामदा “पूरन गे”
लापुड्न्नोन तोःला । चु चा ह्ण्डला विश्वास खाह्ण्ड्
वा मुला भिसी च्यावा ताम हिन्ना । अर्गु ग्लारी
पत्रुससेनोन चुह्ण्ड् भिसी पाड्वा मुलाः

“दान्दे एनीगदेसे तिगै

धिनना लागिरी ल्हानान थरिला दुख
नातोःसै

जमा धुइरी एनीगदे ताड्ला । एनीगदेसे
चुह्ण्ड् लसी दुख नावा चा
एनीगदेसे लबा विश्वास सत्य हिन्ना भिसी
उन्वाला लागिरी हिन्ना ।

नाश तसी निबा म्हरदा मी म्हर हिन्ना कि
आहिन भिसी था याड्बाला लागिरी मेरी
खाड्मुला भिसम एनीगदेला विश्वास मी
थे म्हर भन्दा घेन हिन्ना । थेह्ण्ड्वा
विश्वाससे लमा येशू ख्रीष्ट दोःसी
फेप्खमा एनीगदे उदेक तला । जमा धुइरी
एनीगदेसे थेदेन छ्ण्ड्यामनोन

मानदेन इज्जत याइला, ओच्छे एनीगदेदा
ज्यवा म्हि भिसी पाइला ।”

१ पत्रस १:६-७

थुम्बा धुइरी डाइ ह्वाडनीदा जजाबा ताम गिक
पाइगे, थे ताम डाइ आपाइसै तसेला मुबा भिसी
ह्वाडनीसे म्हन्मुला तला: ह्वाड विश्वासरी भ्रवाला
लागिरी नाबारी लोप्पा ग्याम गिक जे मुला । थे
चा जम्मान ताम नाबा हिन्ना । तर य्हाडसे नाजी
भिसम ओच्छे, य्हाडला विश्वास खाह्ण्ड्वा मुला
भिसी च्यामा य्हाड ठीक मुजी भिसम य्हाडदा
तिग्गला लागिरी स्होबा हिन्ना थे ताम य्हाडग्याम
पूरा लला । ओच्छे, य्हाडला ल्हुइग्याम य्हाडला प्रभु
येशू खीष्टला शक्तिदेन जयजयकार ओच्छे, मान
तला ।

परमेश्वर आबा, डाला विश्वास कोइगै
भिवा डाला सेम मुला । डाइ डाला पापगदे
ख्लासी ह्वाडपट्टि दोला । डा थे पापगदे
ख्लासी ह्वाडपट्टि दोला । डाइ तिगै लसी
(ह्वाडसे लवा पापगदेला मिन भिउ) ह्वाडला सेम
स्हु खना लवा मुला भिसी डाइ ह्वाडला डाच्छा
पाइला । डाला पापदा खुवाला लागिरी ओच्छे
डाला ल्हुइथोरी ह्वाडसे शुरु लवा गे जिन्ना
लवाला लागिरी डाइ ह्वाडथोरी भर लवा मुला ।
डाला सेम च्याबा धुइरी नासी चिवाला लागिरी
डादा ह्ये लउ, तिग्गदा भिसम डाला सेम च्यामा
डादा तिगै दोष आरेबादेन तिगै कमजोर आरेबा
स्यापौ । येशूला मिनरी डाइ चु प्रार्थना लवा
मुला । आमेन ।



ह्वाडला लागिरी डन्से पिन्वा उपाहार
डेरेक प्रिन्ससे लोप्वा तामला सिडीगदे
खानडः खानडः याड्मुला थे ग्ला म्हाइगो
नम्बरः ४१५७ सि
टाडगा फाआतोबा चु नम्बररी फोन लउ
१-८००-४४८-३२६१,
अथवा डन्ना चु इन्टरनेटरी स्थिगो
www.derekprince.org/fyp

DEREK PRINCE MINISTRIES
P.O. BOX 19501
CHARLOTTE, NC 28219
WWW.DEREKPRINCE.ORG

श्रिखेनना बारेरी

डेरेक प्रिन्स १९१५ री इंडियाला ब्रिटिस परिवाररी न्हवा मुबा । ओच्छे थे २००३ री डोड्जी । थेसे इंग्ल्याण्डरी इटन भिवा क्याम्पसदेन क्याम्ब्रिज भिवा विश्वविद्यालयरी ग्रीकदेन ल्याटिन ग्योड्डीरी पढब लजी । थेसे उन्मालादेन धन्देला विद्वानगदेसे भिवा किताबग्याम किड्ग भिवा क्याम्पसरी संगति लजी । थेसे यरुशलेमला क्याम्ब्रिज भिवा विश्वविद्यालयदेन हिब्रु विश्वविद्यालयरी दान्देली अर्गु ल्हानान ग्योड्गदेला बारेरीनोन पढब लजी । थे न्हडरी हिब्रुदेन अरमिक ग्योड्गदेनोन परब तमुला ।

दोस्रो विश्व युद्ध तवा धुड्डीरी थेसे ब्रिटिस आर्मीरी गे लवान मुबा । थे धुड्डीरी थेसे बाइबल पढब लवारी छ्याड्जी, ओच्छे येशू ख्रीष्टदेन छ्याम हाडला ल्हुइ पोवा ताम था याड्जी । चु तामग्याम थेसे गोर न्ही मुल ताम था याड्जी । गिक चा येशू ख्रीष्ट छोन्वोन मुला, अर्गु चा बाइबल सत्य, ठीकदेन पुरा तवा किताब हिन्ना । चु तामगदेसे थेसे खेन्वा पुरा तामनोन पोजी । थेतबासेलमा थे बाइबल पढब लवादेन लोप्पारी तयार तजी ।

डेरेकदेन छ्याम बाइबलदा घोना लखम्बादेन सजिलो तरीकासे प्रष्टन लोप्खम्बा मुल मोलम मुबासेलमा लाखौं म्हिला विश्वासला जग थान्वाला लागिरी ह्यो तवा मुला । थेला जम्मादेन छ्याम ढिक्खम्बा सेमदेन थरीथरीला समूह गिकला लागिरी जे आतना जम्मान खालला समूहगदेदेन छ्याम ढिक्खम्बा ताम लोप्वा ताम जम्मान य्हुलदेन

जम्मान धर्मग्याम खबा म्हिगदेला लागिरी ल्हानान
ज्यबादेन ह्यो तबा मुला ।

थेसे बोगल न्हीसे च्युइ किताब भ्रिवा मुला,
थेसे लोप्पा तामग्याम ग्यार्जा डा अडियो तेःबा
मुला ओच्छे ग्यार्जा गिकसे बोगल न्ही भिडियो
स्होबा मुला । चुगदे न्हाडरी ल्हाना ह्इबा चा
ग्यार्जा गिक भन्दा ल्हाना ग्योइगदेरी अनुवाद लसी
तेःसी जिन्वा मुला । डेरेक प्रिन्स लेगेसी मिन लबा
रेडियो गेताड दिनहुँनोन चलब लबा रेडियो गेताड,
अरबिक, चिनिया (अमोय, क्यानटोनिश, मन्दरिन,
संघाई, स्वतोव), क्रोएसिएन, जर्मन, मलागसि,
मङ्गोलियन, रस्सियन, सामोअन, स्पेनिसदेन तोङ्गन
ग्योइरी अनुवाद लबा मुला । थेला चु रेडियो
गेताडसे जम्बुलिड नाडलान म्हिगदेला सेम थुर्बा
मुला ।

डेरेक प्रिन्ससे लबा प्रभुला गे, “येशू दोःसी
आफेप्वदेधोना” येशूसे कुल्बा ताम पुरा लबान ह्वाडसे
लोप्पा तामग्याम जम्बुलिड नाडलान विश्वासीगदेदा
हुप तबारी आख्ला । चु गे अस्ट्रेलिया, क्यानाडा,
चीन, फ्रान्स, जर्मनी, द नेदरल्याण्ड, नर्वे, रस्सिया,
दक्षिण अफ्रिका, स्विजरल्याण्ड, बेलायतदेन
अमेरिका ह्इबा अर्गु यहुल्साला गे दिमग्याम
जम्मान ग्लारी ज्यबा तबान मुला । चुला बारेरी था
याड्बाला लागिरी दान्दे जम्बुलिड नाडला लागिरी
www.derekprince.com री स्थिखम्ला ।

जम्बुलिङ्गरी मुबा डेरेक प्रिन्ससे शुरु लबा गेला गेदिमगदे

आरमेनिया	म्यानमार
अस्ट्रेलिया	नेपाल
बेल्जियम	नेदरल्याण्ड
बोशानिया	न्युजल्याण्ड
बुलगेरिया	नर्वे
क्यानाडा	पाकिस्तान
चीन	पपुवान्युगिनी
क्रोएशिया	पोल्याण्ड
क्युबा	रोमानिया
चेक गणतन्त्र	रस्सिया
मिश्र	सर्वियादेन मन्टेनेग्रो
इस्टोनिया	सामोआ
इथोयोपिया	सिङ्गपुर
फिजी	स्लोभाकिया
फ्रान्स	स्लोभेनिया
जर्मनी	सुलेमान आइल्याण्ड
हङ्गेरी	दक्षिण अफ्रिका
भारत	स्वीटजरल्याण्ड
इन्डोनेशिया	युक्रेस
इस्राएल	बेलायत
काजक्स्तान	अमेरिका
माकेडोनिया	भानएटु
मलेशिया	

“विश्वास लबाला लागिरी पाप ख्लासी परमेश्वरपट्टि दोःबा बाहेक अर्गु खजिवै ग्याम आरे । ह्वाडदा विश्वास लखम्बा म्हि स्होला भिसी पाड्बा अर्गु खजिवै ग्याम मुसम थे चा धोका पिन्वा हिन्ना । पाप आख्लादेधोना सेमहेन्से विश्वास लबारी खाइमै आखम ।”

—डेरेक प्रिन्स

ख्रीष्टदा विश्वास लबागदे, ख्रीष्टदा विश्वास लबाला लागिरी, गोर ब्लि तामगदे तोःमुला भिसी य्हाडसे था याड्तोःमुला :

- सिधन हूप तबा
- परमेश्वरला ह्वाडलान भा भिबा येशू ख्रीष्टदा डोसेना लबा
- येशू प्रभुदा सेमहेन्सेन विश्वास लबा
- म्हिगदेला ओन्छाडरी प्रभुदा विश्वास लबा मुला भिसी पाड्तोःबा

चुदे य्हाडसे खाइमै थे जग थान्वा आरेसम, य्हाडसे खाइमै थे दिम स्होबारी आखाम थे चा ख्रीष्टग्याम याड्बा जुनी हिन्ना । य्हाडसे तिरमे जग थान्सी जिन्माहेन्से, य्हाडसे थे दिम स्होसी जिन्ना लबारी खम्ला, “चुदे परमेश्वरसे लपुड्जी भिसम य्हाडसे घेन घेन तामएनोन लला ।”

(हिब्रु ६:३)

डेरेक प्रिन्स १९१५री इंडियाला ब्रिटिस परिवाररी न्हावा मुबा । ओच्छे थे २००३ री डोड्जी । थेसे इल्याण्डरी इटन भिबा क्याम्पसदेन

क्यामब्रिज भिबा विश्वविद्यालयरी पढब लजी ।
ओच्छे थेसे किङ्ग भिबा क्याम्पसग्याम पढाइ
जिन्ना लजी । थेसे यरुशलेमला क्यामब्रिज भिबा
विश्वविद्यालयदेन हिब्रु विश्वविद्यालयरी दान्देला अर्गु
ल्हानान ग्योङ्गदेला बारेरीनोन पढब लजी ।

दोस्रो विश्व युद्ध तबा धुइरी थेसे ब्रिटिस
आर्मीरी गे लवान मुबा । थे धुइरी थेसे बाइबल
पढब लबारी छ्याइजी, ओच्छे, येशू खीष्टदेन छ
याम ह्वाडला ल्हुइ पोबा ताम था याइजी ।

थेसे बोगल न्हीसे च्युइ किताब भ्रिबा
मुला, थेसे लोप्वा तामग्याम ग्यार्जा डा अडियो
तेःबा मुला ओच्छे, ग्यार्जा गिकसे बोगल न्ही
भिडियो स्होबा मुला । चुगदे न्हाइरी ल्हाना ह्वा
चा ग्यार्जा गिक भन्दा ल्हाना ग्योङ्गदेरी अनुवाद
लसी तेसी जिन्वा मुला । डेरेक प्रिन्स लेगेसी मिन
लबा रेडियो गेताड दिनहुँनोन चलब लबा रेडियो
गेताड मुला, थेला चु रेडियो गेताडसे जम्बुलिड
नाडलान म्हिगदेला सेम थुर्बा मुला ।

DEREK PRINCE MINISTRIES

PO Box 19501

Charlotte, NC 28219

704-357-3556

WWW.DEREKPRINCE.ORG

